



საჯარო სამართლის იურიდიული პირი

# სამცხე-ჯავახეთის სახელმწიფო უნივერსიტეტი

Legal Entity Public Law  
SAMTSKHE -JAVAKHETI STATE UNIVERSITY  
აკადემიური საბჭო ACADEMIC COUNCIL



ოქთი № 8

”14“ 06

2019 წ

## დადგენილება № 35

სსიპ სამცხე-ჯავახეთის სახელმწიფო უნივერსიტეტის სასწავლო პროცესის მარეგულირებელი წესის დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის „ს“ ქვეპუნქტის, საქართველოს ზოგადი ადმინისტრაციული კოდექსის 51-ე მუხლის პირველი ნაწილის, 52-ე მუხლის პიველი და მე-2 ნაწილებისა და 53-ე მუხლის მე-3 ნაწილის, 61-ე მუხლის პირველი ნაწილის, „საჯარო სამართლის იურიდიული პირის – სამცხე-ჯავახეთის სახელმწიფო უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2014 წლის 13 მაისის N52/ნ ბრძანებით დამტკიცებული წესდების მე-8 მუხლის პირველი პუნქტის „ფ“ ქვეპუნქტისა და აკადემიური საბჭოს 2013 წლის 2 ოქტომბრის N51 დადგენილებით დამტკიცებული სსიპ სამცხე-ჯავახეთის სახელმწიფო უნივერსიტეტის აკადემიური საბჭოს რეგლამენტის მე-3 მუხლის პირველი პუნქტის „ტ“ ქვეპუნქტის თანახმად, აკადემიური საბჭო ადგენს:

- დამტკიცდეს „სსიპ სამცხე-ჯავახეთის სახელმწიფო უნივერსიტეტის სასწავლო პროცესის მარეგულირებელი წესი“ ამ დადგენილების დანართის შესაბამისად.
- ძალადაკარგულად გამოცხადდეს აკადემიური საბჭოს 2013 წლის 01 მაისის N15 დადგენილებით დამტკიცებული „სსიპ სამცხე-ჯავახეთის სახელმწიფო უნივერსიტეტის სასწავლო პროცესის მარეგულირებელი წესი“.
- დადგენილება ძალაშია გამოქვეყნებისთანავე.
- დადგენილება გაეგზავნოს სსიპ სამცხე-ჯავახეთის სახელმწიფო უნივერსიტეტის ყველა ფაკულტეტს, სასწავლო პროცესის მართვის განყოფილებას და განთავსდეს ვებ-გვერდზე.
- დადგენილება შეიძლება გასაჩივრდეს დაინტერესებული პირის მიერ კანონმდებლობით დადგენილი წესით გაცნობის დღიდან 1 თვის ვადაში ახალციხის რაიონულ სასამართლოში, მისამართზე: ქ.ახალციხე კ.მებაღიშვილის ქ.N62.

აკადემიური საბჭოს თავმჯდომარე,  
რექტორი, ასოცირებული პროფესორი

მაკა ბერიძე

დანართი

სსიპ სამცხე-ჯავახეთის სახელმწიფო უნივერსიტეტის სასწავლო პროცესის  
მარეგულირებელი წესი

## სარჩევი

**მუხლი 1.** რეგულირების სფერო

**მუხლი 2.** სასწავლო პროცესში გამოყენებულ ტერმინთა განმარტება

**მუხლი 3.** სსიპ სამცხე-ჯავახეთის სახელმწიფო უნივერსიტეტში სტუდენტის სტატუსის მოპოვება

3.1. საბაკალავრო პროგრამაზე დაშვების წინაპირობა

ქართულ ენაში მომზადების საგანმანათლებლო პროგრამაზე დაშვების წინაპირობა  
მასწავლებლის მომზადების საგანმანათლებლო პროგრამაზე დაშვების წინაპირობა

3.2. სამაგისტრო პროგრამაზე დაშვების წინაპირობა

3.2. სადოქტორო პროგრამაზე დაშვების წინაპირობა

**მუხლი 4.** სტუდენტთა ადმინისტრაციული და აკადემიური რეგისტრაცია

**მუხლი 5.** სსიპ სამცხე-ჯავახეთის სახელმწიფო უნივერსიტეტში გადასვლის წესით ჩარიცხვა

**მუხლი 6.** შიდა მობილობა

**მუხლი 7.** სსიპ სამცხე-ჯავახეთის სახელმწიფო უნივერსიტეტიდან გარიცხულისამორიცხული  
სტუდენტის აღდგენის წესით ჩარიცხვა

**მუხლი 8.** სსიპ სამცხე-ჯავახეთის სახელმწიფო უნივერსიტეტში სწავლის გაგრძელება

საერთაშორისო მობილობის ფარგლებში

**მუხლი 9.** სსიპ სამცხე-ჯავახეთის სახელმწიფო უნივერსიტეტის სტუდენტის მიერ კრედიტების  
მოპოვების წესი

**მუხლი 10.** სსიპ სამცხე-ჯავახეთის სახელმწიფო უნივერსიტეტის კრედიტების აღიარების წესი

**მუხლი 11.** სსიპ სამცხე-ჯავახეთის სახელმწიფო უნივერსიტეტის მიერ საგანმანათლებლო

პროგრამის შეცვლის ან გაუქმების შემთხვევაში შესაბამისი პროგრამის სტუდენტების  
შემდეგი განათლებით უზრუნველყოფის მექანიზმი

**მუხლი 12.** ინდივიდუალური სასწავლო გეგმის შედგენა

**მუხლი 13.** სტუდენტის სტატუსის შეჩერება და აღდგენა

**მუხლი 14.** სტუდენტის სტატუსის შეწყვეტა

**მუხლი 15.** დამატებით სემესტრში დარეგისტრირება და დამატებითი საფასურის დამტკიცება

**მუხლი 16.** სტუდენტის შეფასების წესი

**მუხლი 17.** გამოცდების ჩაბარების ერთიანი წესი

**მუხლი 18.** აკადემიური ხარისხის/კვალიფიკაციის მინიჭება და დიპლომი

**მუხლი 19.** სსიპ სამცხე-ჯავახეთის სახელმწიფო უნივერსიტეტის სტუდენტის უფლება-  
მოვალეობები

**მუხლი 20.** მსმენელის უფლება-მოვალეობები

**მუხლი 21.** სოციალურად მოწყვლადი სტუდენტების მხარდაჭერის მექანიზმები

**მუხლი 22.** სტუდენტთა წახალისების მექანიზმები

**მუხლი 23.** სტედენტთა სტიპენდიის დანიშვნის წესი და კრიტერიუმები

**მუხლი 24.** სასწავლო პროცესების მართვის ელექტრონული სისტემა

# სსიპ სამცხე-ჯავახეთის სახელმწიფო უნივერსიტეტის სასწავლო პროცესის მარეგულირებელი წესი

## მუხლი 1. რეგულირების სფერო

ამ წესით რეგულირდება სსიპ - სამცხე-ჯავახეთის სახელმწიფო უნივერსიტეტის სტუდენტის სტატუსის მოპოვების, სტატუსის შეჩერებისა და შეწყვეტის პროცედურა, სტუდენტის უფლება-მოვალეობები, სტუდენტის ცოდნის შეფასების პროცედურა და სასწავლო პროცესებთან დაკავშირებული სხვა საკითხები.

## მუხლი 2. სასწავლო პროცესში გამოყენებულ ტერმინთა განმარტება

1. ამ წესში გამოყენებულ ტერმინებს აქვთ შემდეგი მნიშვნელობა:

ა) **უნივერსიტეტი** - საჯარო სამართლის იურიდიული პირი - სამცხე-ჯავახეთის სახელმწიფო უნივერსიტეტი;

ბ) **აკადემიური უმაღლესი განათლება** – უმაღლესი განათლების კურსი, რომელიც მოიცავს ბაკალავრიატის, მაგისტრატურის, მასწავლებლის მომზადების ინტეგრირებულ საბაკალავრო-სამაგისტრო და დოქტორანტურის საგანმანათლებლო პროგრამებს;

გ) **სტუდენტი** – პირი, რომელიც „უმაღლესი განათლების შესახებ“ კანონითა და უნივერსიტეტის წესდებით განსაზღვრული წესით ჩაირიცხა უნივერსიტეტში ბაკალავრიატის, მაგისტრატურის, მასწავლებლის მომზადების ინტეგრირებული საბაკალავრო-სამაგისტრო, დოქტორანტურის საგანმანათლებლო პროგრამის გასავლელად.

დ) **აკადემიური ხარისხი** – კვალიფიკაცია, რომელსაც სტუდენტს აკადემიური უმაღლესი განათლების შესაბამისი საფეხურის დამთავრებისას ანიჭებს უნივერსიტეტი;

ე) **ბაკალავრიატი** – აკადემიური უმაღლესი განათლების პირველი საფეხური;

ვ) **ბაკალავრი** – მფლობელი იმ აკადემიური ხარისხისა, რომელიც პირს ბაკალავრიატის საგანმანათლებლო პროგრამით გათვალისწინებული კრედიტების რაოდენობის ათვისების შედეგად ენიჭება;

ზ) **მაგისტრატურა** – აკადემიური უმაღლესი განათლების მეორე საფეხური;

თ) **მაგისტრანტი** – სტუდენტი, რომელიც სწავლობს მაგისტრატურაში;

ი) **მაგისტრი** – მფლობელი იმ აკადემიური ხარისხისა, რომელიც პირს მაგისტრატურის საგანმანათლებლო პროგრამით გათვალისწინებული კრედიტების რაოდენობის ათვისების შედეგად ენიჭება; |

კ) **დოქტორანტურა** – აკადემიური უმაღლესი განათლების მესამე საფეხური;

ლ) **დოქტორანტი** – პირი, რომელიც სწავლობს დოქტორანტურაში;

მ) **გაცვლითი საგანმანათლებლო პროგრამის მონაწილე სტუდენტი** – საქართველოს უმაღლესი საგანმანათლებლო დაწესებულების ან უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების სტუდენტი, რომელიც გაცვლითი საგანმანათლებლო პროგრამის ფარგლებში აგროვებს კრედიტების განსაზღვრულ რაოდენობას პარტნიორ უმაღლეს საგანმანათლებლო დაწესებულებაში;

- 5) მასწავლებლის მომზადების საგანმანათლებლო პროგრამა- შესაბამის სტანდარტზე დაყრდნობით შემუშავებული უმაღლესი საგანმანათლებლო პროგრამა.
- ო) სტუდენტის სტატუსის შეჩერება- დაწესებულებისა და სტუდენტის უფლება-მოვალეობების შესრულებისგან განთავისუფლება სტუდენტის სტატუსის შეწყვეტის გარეშე;
- პ) აკადემიური თავისუფლება -სტუდენტის უფლება, დამოუკიდებლად განახორციელოს სწავლება, სამეცნიერო კვლევა და სწავლა;
- ჟ) საგანმანათლებლო პროგრამა (კურიკულუმი) - უმაღლესი განათლების კვალიფიკაციის მისაღებად აუცილებელი სასწავლო კურსების/მოდულების ერთობლიობა, რომელშიც მოცემულია პროგრამის მიზნები, სწავლის შედეგები, სასწავლო კურსები/მოდულები შესაბამისი კრედიტებით, სტუდენტთა შეფასების სისტემა და სასწავლო პროცესის ორგანიზების თავისებურებები;
- რ) სასწავლო კურსის პროგრამა (სილაბუსი) - დოკუმენტი, რომელიც იძლევა ინფორმაციას სასწავლო კურსის/მოდულის მიზნების, სწავლის შედეგების, კრედიტების, შინაარსის, სწავლებისა და სწავლის მეთოდების, შეფასების კრიტერიუმების შესახებ
- ს) გაცვლითი საგანმანათლებლო პროგრამა - საგანმანათლებლო პროგრამა, რომელიც ხორციელდება საქართველოს უმაღლეს საგანმანათლებლო დაწესებულებასა და უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებას შორის დადებული სტუდენტთა გაცვლის შესახებ ხელშეკრულების საფუძველზე და მიზნად ისახავს გაცვლითი საგანმანათლებლო პროგრამის მონაწილე სტუდენტის მიერ კრედიტების განსაზღვრული რაოდენობის დაგროვებას პარტნიორ უმაღლეს საგანმანათლებლო დაწესებულებაში;
- ტ) მობილობა - სტუდენტთა და აკადემიური პერსონალის თავისუფალი გადაადგილება სწავლის, სწავლებისა და კვლევის პროცესებში მონაწილეობისათვის როგორც საქართველოში, ისე უცხოეთში, რასაც თან სდევს სწავლის პერიოდში მიღებული განათლების, კრედიტების ან კვალიფიკაციის აღიარება;
- უ) შიდა მობილობა - სტუდენტთა თავისუფალი გადაადგილება უნივერსიტეტის საგანმანათლებლო პროგრამებს შორის;
- ფ) განათლების აღიარება - საქართველოს ან უცხოეთის უმაღლეს საგანმანათლებლო დაწესებულებაში მიღებულ კვალიფიკაციას ან ამავე დაწესებულებებში სწავლის პერიოდში მიღებულ განათლებას (კრედიტებს) აღიარებს განათლების ხარისხის განვითარების ეროვნული ცენტრი, საქართველოს საერთაშორისო ხელშეკრულებებითა და საქართველოს განათლებისა და მეცნიერების მინისტრის მიერ დადგენილი წესის შესაბამისად.
- ქ) მოდული - სწავლების დამოუკიდებელი თანმიმდევრული ბლოკი, რომელიც აერთიანებს მონათესავე საგნებს. მოდულში განსაზღვრულია საგანთა ურთიერთკავშირები და თანმიმდევრობა. რამდენიმე მოდული შეადგენს სასწავლო გეგმას;
- ღ) კრედიტი - ერთეული, რომელიც გამოხატავს სტუდენტისათვის საჭირო სასწავლო დატვირთვას და რომლის მიღებაც შესაძლებელია სწავლის შედეგების მიღწევის შემდეგ;
- ყ) სწავლის შედეგები - საგანმანათლებლო პროგრამის, მოდულის, სასწავლო კურსის დასრულების შედეგად სტუდენტის მიერ მიღებული ცოდნა და შეძენილი უნარები.
- შ) კვალიფიკაცია - სწავლის შედეგი, რომელიც მიიღწევა უმაღლესი საგანმანათლებლო

- პროგრამის დაძლევით და დასტურდება უნივერსიტეტის მიერ გაცემული დიპლომით;
- ბ) დიპლომი - უნივერსიტეტის შესაბამისი ფაკულტეტის საბჭოს მიერ მინიჭებული კვალიფიკაციის დამადასტურებელი დოკუმენტი;
- ც) დიპლომის დანართი - დოკუმენტი რომელიც გაიცემა დიპლომთან ერთად, სტუდენტის მიერ მიღებული განათლების შინაარსის და მისთვის მინიჭებული კვალიფიკაციის დასადასტურებლად, აგრეთვე დოკუმენტი, რომელიც გაიცემა სტუდენტის მიერ ერთობლივი უმაღლესი საგანმანათლებლო პროგრამის გავლის შედეგად მიღებული განათლების შინაარსის და საქართველოს ან/და უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულებების მიერ მისთვის ერთობლივად მინიჭებული კვალიფიკაციის დასადასტურებლად;
- დ) პლაგიატი - აკადემიური არაკეთილსინდისიერება (პლაგიატის ფორმები განისაზღვრება სსიპ სამცხე-ჯავახეთის სახელმწიფო უნივერსიტეტში პლაგიატის პრევენციის, აღმოჩენისა და რეაგირების წესით);
- წ) ანტიპლაგიის პროგრამა - პლაგიატის გამოვლენის ელექტრონული სისტემა.
- ჭ) ადმინისტრაციული რეგისტრაცია - ადმინისტრაციული რეგისტრაცია გულისხმობს სტუდენტის მიერ სწავლის მთლიანი საფასურის გადახდას, ან სახელმწიფო გრანტით ნაწილობრივი დაფინანსების შემთხვევაში სახელმწიფო დაფინანსებასა და სწავლის რეალურ საფასურს შორის სხვაობის დაფარვას.
- ხ) აკადემიური რეგისტრაცია - აკადემიური ანუ საგნობრივი რეგისტრაცია გულისხმობს ყოველი სემესტრის დაწყებამდე სტუდენტის მიერ ინდივიდუალური ცხრილის ფორმირებას, ანუ დადგენილ ვადაში სასწავლო დისციპლინების არჩევას.
- ჯ) რეგისტრაცია - უნივერსიტეტში ჩარიცხვის მიზნით საგანმანათლებლო დაწესებულების მიერ განსაზღვრულ ვადაში დოკუმენტაციის წარმოდგენა
- ჰ) ქართულ ენაში მომზადების საგანმანათლებლო პროგრამა - სპეციალური საგანმანათლებლო პროგრამა, რომლითაც ხორციელდება ერთიანი ეროვნული გამოცდების შედეგების საფუძველზე უმაღლეს საგანმანათლებლო დაწესებულებაში ჩარიცხული საქართველოს მოქალაქეებისა და „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ საქართველოს კანონის 20<sup>13</sup> მუხლით გათვალისწინებული პირების მიერ ქართულ ენაში უნარ-ჩვევებისა და ცოდნის (წერა, კითხვა, მოსმენა, საუბარი) იმ დონეზე შეძენა, რომელიც აუცილებელია ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის საგანმანათლებლო პროგრამით სწავლის გასაგრძელებლად. აღნიშნული საგანმანათლებლო პროგრამის გავლის უფლება აქვთ იმ პირებსაც, რომლებიც ერთიანი ეროვნული გამოცდების გავლის გარეშე ჩაირიცხებიან უმაღლეს საგანმანათლებლო დაწესებულებაში საქართველოს კანონმდებლობით დადგენილი წესით.
- ჸ) მასწავლებლის მომზადების საგანმანათლებლო პროგრამა - ბაკალავრიატის საგანმანათლებლო

პროგრამისა და მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამისაგან დამოუკიდებელი, შესაბამის სტანდარტზე დაყრდნობით შემუშავებული უმაღლესი საგანმანათლებლო პროგრამა, რომლის სწავლის შედეგებიც შეესაბამება ეროვნული კვალიფიკაციების ჩარჩოს.

### **მუხლი 3. სსიპ სამცხე-ჯავახეთის სახელმწიფო უნივერსიტეტში სტუდენტის სტატუსის მოპოვება**

უნივერსიტეტში სტუდენტის სტატუსის მოპოვება უმაღლესი განათლების სამივე საფეხურის საგანმანათლებლო პროგრამებზე ხორციელდება უმაღლესი საგანმანათლებლო პროგრამებზე დაშვების წინაპირობების შესაბამისად.

#### **3.1. საბაკალავრო პროგრამაზე დაშვების წინაპირობა**

1. საბაკალავრო პროგრამაზე სწავლა შეუძლიათ საქართველოს და უცხო ქვეყნის მოქალაქეებს. პროგრამაზე სწავლის უფლება აქვს სრული ზოგადი განათლების დამადასტურებელი სახელმწიფო დოკუმენტის მფლობელს ან მასთან გათანაბრებულ პირს (საქართველოს მოქალაქეს), რომელმაც გაიარა ერთიანი ეროვნული გამოცდები და მიღებული ქულების კოეფიციენტებით რანჟირების საფუძველზე მოიპოვა უფლება, ისწავლის საბაკალავრო პროგრამაზე.
2. უნივერსიტეტი კონკრეტულ პროგრამაზე აბიტურიენტს ერთიან ეროვნულ გამოცდებისთვის უდგენს მე-4 არჩევითი საგნების ნუსხას, რომელიც სტუდენტს გაუადვილებს პროგრამის სასწავლო კურსების ათვისებას. უნივერსიტეტში ჩარიცხვის აუცილებელი წინაპირობაა ერთიანი ეროვნული გამოცდების წარმატებით გავლის შემდეგ აბიტურიენტმა უნივერსიტეტში სასწავლებლის მიერ დადგენილ ვადებში გაიაროს რეგისტრაცია.
3. საბაკალავრო პროგრამებზე ჩარიცხვის უფლება აქვს საქართველოს მოქალაქე სომხურენოვან, აზერბაიჯანულენოვან, აფხაზურენოვან და ოსურენოვან აბიტურიენტებს, ვინც წარმატებით ჩააბარებს სომხურ და აზერბაიჯანულ ენაზე უნარ-ჩვევების ტესტს და აფხაზურ ან ოსურ ენას ერთიან ეროვნულ გამოცდებზე და გაივლის ქართული ენაში მომზადების საგანმანათლებლო პროგრამას.
4. პროგრამაზე უცხო ქვეყნის მოქალაქეების ჩარიცხვა ხორციელდება საქართველოს კანონმდებლობით დადგენილი წესით. უცხოელი მოქალაქეებისათვის სწავლის აუცილებელი პირობაა ქართული ენის B1+/B2 დონეზე ცოდნა, რადგან პროგრამაზე სწავლა ხორციელდება ქართულ ენაზე. უცხო ქვეყნის მოქალაქეები წარმოადგენენ სერტიფიკატს ქართული ენის შესაბამის დონეზე ფლობის შესახებ, ან აბარებენ გამოცდას ქართულ ენაში. სერტიფიკატის აღება უცხო ქვეყნის მოქალაქეებს შეუძლიათ სამცხე-ჯავახეთის სახელმწიფო უნივერსიტეტის უწყვეტი განათლების ცენტრში უცხოელთათვის ქართულ ენაში მომზადების პროგრამის ფარგლებში.
5. პროგრამაზე ასევე შეუძლიათ სწავლა გააგრძელონ საქართველოს და უცხო ქვეყნის აკრედიტებული უმაღლესი საგანმანათლებლო დაწესებულებების სტუდენტებმა და

უნივერსიტეტის სხვა სპეციალობის სტუდენტებმა.

6. საბაკალავრო პროგრამაზე სხვა უმაღლეს საგანმანათლებლო დაწესებულებიდან მობილობის წესით სტუდენტთა ჩარიცხვა ხორციელდება საქართველოს კანონმდებლობით დადგენილი წესით, შიდა მობილობის ფარგლებში ამ წესის მუხლი 6-ის შესაბამისად, მუხლი 8-ის და 10-ის შესაბამისად გაცვლითი პროგრამის ფარგლებში.

## 7. ქართულ ენაში მომზადების პროგრამაზე დაშვების წინაპირობა:

- საქართველოში გაცემული ან მასთან გათანაბრებული სრული ზოგადი განათლების დამადასტურებელი დოკუმენტის ფლობა;
- ერთიანი ეროვნული გამოცდების მხოლოდ ზოგადი უნარების აზერბაიჯანულენოვანი, სომხურენოვანი ტესტების წარმატებით ჩაბარება აზერბაიჯანულენოვანი და სომხურენოვანი აბიტურიენტებისათვის, ხოლო აფხაზურენოვანი და ოსურენოვანი აბიტურიენტებისათვის აფხაზური და ოსური ენების წარმატებით ჩაბარება;
- სსიპ სამცხე-ჯავახეთის სახელმწიფო უნივერსიტეტში რეგისტრაციის გავლა.

8. მასწავლებლის მომზადების საგანმანათლებლო პროგრამაზე მიღება ხორციელდება „პირის მასწავლებლის მომზადების საგანმანათლებლო პროგრამაზე მიღების წესის დამტკიცების თაობაზე“ საქართველოს განათლებისა და მეცნიერების მინისტრის 2016 წლის 5 სექტემბრის #111/ნ ბრძანების შესაბამისად.

## 3.2. სამაგისტრო პროგრამაზე დაშვების წინაპირობა

1. სამაგისტრო პროგრამაზე სწავლა შეუძლია საქართველოს და უცხო ქვეყნის მოქალაქეებს. პროგრამაზე სწავლის უფლება აქვს ბაკალავრის აკადემიური ხარისხის მქონე პირს (საქართველოს მოქალაქეს), რომელმაც საერთო სამაგისტრო გამოცდაზე ჩააბარა შესაბამისი A, B ან C ტიპის ტესტი, გადალახა ტესტის მინიმუმ სამ ნაწილში მინიმალური კომპეტენციის ზღვარი და მიღებული ქულების საფუძველზე მოიპოვა უფლება ჩააბაროს სასპეციალიზაციო გამოცდა სსიპ სამცხე-ჯავახეთის სახელმწიფო უნივერსიტეტის შესაბამის სამაგისტრო პროგრამაზე. იმ სამაგისტრო პროგრამებზე, სადაც მოითხოვება უცხო ენის ცოდნა, კონკურსანტი აბარებს გამოცდას უცხო ენაში, რათა დადგინდეს უცხო ენის ცოდნის დონე ან შეუძლია წარმოადგინოს უცხო ენის ცოდნის დამადასტურებელი სერტიფიკატი (ასეთის არსებობის შემთხვევაში).

2. უცხოელი მოქალაქეების ჩარიცხვა ხორციელდება საქართველოს კანონმდებლობით დადგენილი წესით. უცხოელი მოქალაქეებისათვის სამაგისტრო პროგრამაზე სწავლის აუცილებელი პირობაა ქართული ენის B<sub>2</sub> დონეზე ცოდნა, რადგან პროგრამაზე სწავლა ხორციელდება ქართულ ენაზე. ამიტომ, უცხოელი მოქალაქეები წარმოადგენენ საბუთს ქართული ენის B<sub>2</sub> დონეზე ფლობის შესახებ, ან ქართულენოვანი პროგრამის დამადასტურებელ დოკუმენტს, ან აბარებენ გამოცდას ქართულ ენაში.

3. პროგრამაზე ასევე შეუძლიათ, სწავლა გააგრძელონ საქართველოს უმაღლესი საგანმანათლებლო დაწესებულებების (რომელთა გაცემულ დიპლომს აღიარებს სახელმწიფო) და სსიპ სამცხე-ჯავახეთის სახელმწიფო უნივერსიტეტის სხვა სპეციალობის მაგისტრანტებმა მობილობის წესით, თუ საერთო სამაგისტრო გამოცდაზე ჩაბარებული აქვთ შესაბამისი ტიპის ტესტი.

4. მაგისტრანტურაში ჩარიცხვის უფლება აქვს აგრეთვე პირს, რომელსაც აქვს მაგისტრის ან მასთან გათანაბრებული აკადემიური ხარისხი, მაგრამ არჩეული მიმართულებისაგან განსხვავებულ სპეციალობებში.

5. პროგრამაზე შესაძლებელია, განხორციელდეს სტუდენტების ჩარიცხვა გაცვლითი პროგრამის ფარგლებში შესაბამისად.

6. სხვადასხვა სამაგისტრო პროგრამის მიხედვით, შეიძლება დადგენილ იქნეს დამატებითი მოთხოვნები.

7. ზოგადი განათლების დაწყებითი საფეხურის მასწავლებლის მომზადების საბაკალავრო-სამაგისტრო ინტეგრირებულ პროგრამაზე ჩარიცხვა ხორციელდება ერთიანი ეროვნული გამოცდების საფუძველზე.

8. უნივერსიტეტში სასპეციალიზაციო გამოცდის წარმატებით ჩაბარების შემდეგ კონკურსანტის ჩარიცხვის აუცილებელი წინაპირობაა სასწავლებლის მიერ დადგენილ ვადებში რეგისტრაციის გავლა.

### **3.3. სადოქტორო პროგრამაზე დაშვების წინაპირობა**

1. დოქტორანტურაში სწავლის უფლება აქვს მაგისტრის ან მასთან გათანაბრებული დოკუმენტის მფლობელს, რომლის დიპლომი აღიარებულია სახელმწიფოს მიერ. „უმაღლესი განათლების შესახებ“ საქართველოს კანონის 50-ე მუხლის შესაბამისად, დოქტორანტურაში სწავლის უფლება შეიძლება მიენიჭოს უცხოეთის უნივერსიტეტის მაგისტრატურის კურსდამთავრებულს. დოქტურანტურაში სწავლის უფლება აქვს აგრეთვე პირს, რომელსაც აქვს დოქტორის, ან მასთან გათანაბრებული აკადემიური ხარისხი სადოქტორო პროგრამით გათვალისწინებული სპეციალობისაგან განსხვავებულ სპეციალობაში.

2. დოქტორანტობის კანდიდატს მოეთხოვება უცხოური ენის (ენა/ენები განისაზღვრება კონკრეტული პროგრამის სპეციფიკიდან) არანაკლებ B2 დონეზე ცოდნა. დოქტორანტობის უცხოენოვან კანდიდატს, რომელსაც ქართულენოვან პროგრამაზე სურს სწავლა, მოეთხოვება ქართული ენის ცოდნა არანაკლებ B2 დონეზე. იგი ვალდებულია, წარმოადგინოს ქართული ენის B2 დონეზე ცოდნის დამადასტურებელი სერტიფიკატი (ასეთის არსებობის შემთხვევაში), ან ჩაბაროს გამოცდა ქართულ ენაში. ინგლისური/ქართული ენის B2 დონეზე ცოდნის დამადასტურებელი სერტიფიკატის წარმოდგენის, ან გამოცდის წარმატებით ჩაბარების შემდეგ,

ტარდება საკონკურსო გამოცდა სპეციალობაში.

3. პროგრამის დაშვების წინაპირობის/წინაპირობების განსაზღვრისას დამატებითი მოთხოვნები შესაძლებელია განისაზღვროს შესაბამისი პროგრამით. სსიპ სამცხე-ჯავახეთის სახელმწიფო უნივერსიტეტი უფლებამოსილია, განსაზღვროს სადოქტორო პროგრამაზე ჩარიცხვის შიდასაუნივერსიტეტო გამოცდის/გამოცდების ფორმა, შინაარსი და პროცედურა. შიდასაუნივერსიტეტო გამოცდაზე დაიშვებიან სადოქტორო პროგრამაზე ჩარიცხვის ის მსურველები, რომლებმაც დააკმაყოფილეს, კანონმდებლობის შესაბამისად, უნივერსიტეტის მიერ დაწესებული მოთხოვნები.

4. სადოქტორო საფეხურზე, ისევე როგორც სამაგისტრო საფეხურზე, შიდასაუნივერსიტეტო გამოცდა შეიძლება ჩატარდეს როგორც წერილობითი (ტესტირება, წინასწარ შერჩეულ საკითხებზე თხზულების, ანალიტიკური ესეს ადგილზე წერა და სხვ.), ასევე ზეპირი ფორმით ან/და მოიცავდეს სააპლიკაციო განაცხადების გადარჩევის ეტაპს. შესაძლებელია, შიდასაუნივერსიტეტო სადოქტორო გამოცდა იყოს რამდენიმეეტაპიანიც და მოიცავდეს ორ ან სამ ზემოთ ჩამოთვლილ ეტაპს - როგორც სააპლიკაციო განაცხადების გადარჩევის ეტაპს, ასევე წერილობით ან/და ზეპირ გამოცდასაც.

#### მუხლი 4. სტუდენტთა ადმინისტრაციული და აკადემიური რეგისტრაცია

1. სასწავლო პროცესში მონაწილეობის უფლების მოსაპოვებლად სტუდენტი ყოველ სემესტრში ვალდებულია, გაიაროს როგორც აკადემიური, ისე ადმინისტრაციული რეგისტრაცია უნივერსიტეტის მიერ განსაზღვრულ ვადებში,

2. უნივერსიტეტში სწავლის საფასური სწავლების ყველა საფეხურზე ყოველწლიურად განისაზღვრება უნივერსიტეტის აკადემიური საბჭოს დადგენილებით და მტკიცდება წარმომადგენლობითი საბჭოს დადგენილებით.

3. სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებასა და სწავლის რეალურ საფასურს შორის სხვაობა უნდა დაფარონ უნივერსიტეტის მიერ დადგენილ ვადებში.

4. უნივერსიტეტსა და სტუდენტს შორის ხელშეკრულებით განისაზღვრება უმაღლეს საგანმანათლებლო დაწესებულებაში შესაბამისი პროგრამით სწავლის საფასურის გადახდის ვალდებულება, ასევე საგანმანათლებლო პროგრამის მთელი ხანგრძლივობის პერიოდში მასში შესაძლო ცვლილებების შეტანის პირობები. დაუშვებელია უნივერსიტეტის მიერ ხელშეკრულებით გათვალისწინებული სწავლის საფასურის გაზრდა ხელშეკრულების პირობების დარღვევით. ხელშეკრულების პირობები სწავლის საფასურთან დაკავშირებით ცნობილი უნდა იყოს ერთიანი ეროვნული გამოცდებისთვის აბიტურიენტთა რეგისტრაციის დაწყებამდე. აღნიშნული პირობები უცვლელად ხდება ხელშეკრულების ნაწილი.

სტუდენტისთვის უნივერსიტეტში ჩარიცხვის წელს დადგენილი სწავლის საფასურის ცალმხრივად გაზრდა შესაძლებელია გარემოებების არსებითი ცვლილების დროს, რაც დგინდება საქართველოს მთავრობის დადგენილებით.

5. სტუდენტი უნივერსიტეტის მიერ დადგენილ ვადებში იხდის სწავლის საფასურს. სწავლის საფასურის გადაუხდელობის შემთხვევაში სტუდენტს უჩერდება სტატუსი.

6. სტუდენტის მიერ დადგენილ ვადებში სწავლის საფასურის გადაუხდელობის შემთხვევაში სასწავლო პროცესში თვითნებური მონაწილეობა არ წარმოშობს მის უფლებას, მოითხოვოს მიღებული მომსახურების (შუალედური შეფასებების) აღიარება.

7. გაცვლითი სასწავლო პროგრამის (პროექტის) მონაწილე სტუდენტი ვალდებულია, სემესტრის (სემესტრების) სწავლის საფასური გადაიხადოს სრულად, უცხო ქვეყანაში სწავლების პერიოდის დასრულების შემდეგ უნივერსიტეტში სწავლის გაგრძელებისთანავე (არაუგვიანეს 14 კალენდარული დღისა).

8. სსიპ სამცხე-ჯავახეთის სახელმწიფო უნივერსიტეტის საგანმანათლებლო პროგრამაზე სასწავლებლად დაბრუნების შემდეგ შედგენილი „პროგრამების თავსებადობის დასკვნის“ მიხედვით განსხვავებული საგნების (კრედიტების) ათვისების საჭიროებისას, სტუდენტი, რომელსაც გადახდილი აქვს უცხოეთში სწავლის პერიოდის სწავლის საფასური სსიპ სამცხე-ჯავახეთის სახელმწიფო უნივერსიტეტში, დამატებით არ იხდის ამ კრედიტების საფასურს.

9. აკადემიური რეგისტრაციის დროს არჩეული საგნის შეცვლის მოთხოვნა დასაშვებია სასწავლო პროცესის დაწყებიდან ერთი თვის ვადაში, რის შემდეგაც დაუშვებელია მომსახურების მიღებლობის მოტივით გადახდილი თანხის დაბრუნების ან მისი მომდევნო სემესტრებში გადატანის მოთხოვნა;

#### **მუხლი 5. სსიპ სამცხე-ჯავახეთის სახელმწიფო უნივერსიტეტში გადასვლის წესით ჩარიცხვა**

1. უნივერსიტეტში გადასვლის წესით (შემდგომში მობილობით) ჩარიცხვა ხორციელდება საქართველოს განათლებისა და მეცნიერების მინისტრის 2010 წლის 04 თებერვლის N10/ნ ბრძანების „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის“ შესაბამისად.

2. მობილობის უფლება აქვს სტუდენტს, რომელიც სწავლობს ავტორიზებულ უმაღლეს საგანმანათლებლო დაწესებულებაში (უსდ), ან იმ არაავტორიზებულ უსდ-ში, რომლის საგანმანათლებლო პროგრამის ნაწილი კანონმდებლობით დადგენილი წესით ითვლება აკრედიტებულად, ან იმ უცხო ქვეყნის/ოკუპირებული ტერიტორიის უსდ-ს სტუდენტს, რომლის პროგრამა და შედეგები აღიარებული იქნება საქართველოს განათლების, მეცნიერების,

კულტურისა და სპორტის სამინისტროს მიერ.

3. მობილობა შესაძლებელია განხორციელდეს უმაღლესი განათლების ერთი საფეხურის ფარგლებში, კალენდარული წლის განმავლობაში ორჯერ, განათლების ხარისხის განვითარების ეროვნული ცენტრის მიერ დადგენილ ვადაში უნივერსიტეტის მიერ განათლების ხარისხის განვითარების ეროვნული ცენტრის ელექტრონულ პორტალზე დარეგისტრირებულ და გამოქვეყნებულ ვაკანტურ ადგილებზე.

4. მობილობის უფლება სტუდენტს წარმოეშობა უმაღლესი განათლების შესაბამის საფეხურზე სწავლების ერთი წლის შემდეგ. სწავლების პერიოდში არ შედის ის დრო, რომლის განმავლობაშიც პირს შეჩერებული ჰქონდა სტუდენტის სტატუსი, გარდა იმ შემთხვევებისა, როდესაც დაწესებულება ლიკვიდირებულ იქნა უფლებამონაცვლის განსაზღვრის გარეშე, დაწესებულებამ დაკარგა ავტორიზაცია ან დაწესებულების საგანმანათლებლო პროგრამა აღარ ხორციელდება. ასეთ შემთხვევაში განათლების ხარისხის განვითარების ეროვნული ცენტრი აცხადებს რიგგარეშე მობილობას.

5. განათლების ხარისხის განვითარების ეროვნული ცენტრის მიერ შექმნილ ელექტრონულ პორტალზე დარეგისტრირებული მობილობის მსურველი პირი, ცენტრის მიერ მობილობის უფლების მინიჭების შემთხვევაში, ვალდებულია ცენტრისა და უნივერსიტეტის მიერ დადგენილ ვადაში განცხადებით მიმართოს უნივერსიტეტს, თან წარადგინოს უნივერსიტეტის მიერ მოთხოვნილი დოკუმენტაცია. მობილობის მსურველი პირი, რომელიც დადგენილ ვადაში არ მიმართავს უნივერსიტეტს, კარგავს აღნიშნულ საგანმანათლებლო პროგრამაზე ჩარიცხვის უფლებას, გარდა კანონმდებლობით გათვალისწინებული შემთხვევებისა.

6. მიმღები საგანმანათლებლო პროგრამის სპეციფიკიდან გამომდინარე ან პროგრამაზე კონკურსის არსებობის შემთხვევაში, მობილობის წინაპირობას განსაზღვრავს შესაბამისი ფაკულტეტი, წინაპირობა ქვეყნდება უნივერსიტეტის ვებ-გვერდზე.

7. გადასვლის წესით კონკურსანტის ჩარიცხვის შემთხვევაში მიმღებ ფაკულტეტზე შექმნილი მობილობის კომისიის მიერ დგინდება სტუდენტის მიერ ათვისებული პროგრამისა და უნივერსიტეტის სასწავლო პროგრამის თავსებადობა ამ წესის მუხლი 10-ის (კრედიტების აღიარების წესი) შესაბამისად. მობილობის მსურველი პირი თუ ეთანხმება აღიარებულ კრედიტებს, ხელმოწერით ადასტურებს ე.წ. „თანხმობის წერილს“. უნივერსიტეტი აღიარებულ კრედიტებს და მობილობის მსურველი პირის „თანხმობის წერილს“ ასახავს განათლების ხარისხის განვითარების ეროვნული ცენტრის ელექტრონულ პორტალზე. ცენტრიდან თანხმობის მიღების შემდეგ სტუდენტის მობილობასთან დაკავშირებით გამოიცემა უნივერსიტეტის რექტორის სამართლებრივი აქტი.

მუხლი 6.

უნივერსიტეტის ფარგლებში ერთი საგანმანათლებლო პროგრამიდან სხვა

## **საგანმანათლებლო პროგრამაზე გადასვლის (შემდგომში შიდა მობილობა) პროცედურა**

1. უნივერსიტეტში შიდა მობილობა სწავლების სამივე საფეხურზე ხორციელდება სწავლების მეორე სემესტრიდან, როგორც ფაკულტეტის ფარგლებში, ისე ფაკულტეტებს შორის წელიწადში ორჯერ შემოდგომისა და გაზაფხულის სემესტრების დაწყებამდე აკადემიური კალენდრით განსაზღვრულ ვადებში. სწავლების პერიოდში არ შედის ის დრო, რომლის განმავლობაში პირს შეჩერებული ჰქონდა სტუდენტის სტატუსი. შიდა მობილობა შესაძლებელია, განხორციელდეს უმაღლესი განათლების ერთი საფეხურის ფარგლებში.
2. შიდა მობილობა ხორციელდება უნივერსიტეტის ფაკულტეტების სპეციალობებზე ვაკანტური ადგილის არსებობის შემთხვევაში. შიდა მობილობაში მონაწილეობის უფლება აქვს სტუდენტს იმ შემთხვევაშიც, როცა მას შიდა მობილობის გამოცხადების მომენტისათვის შეჩერებული აქვს სტუდენტის სტატუსი.
3. შიდა მობილობის განსახორციელებლად იქმნება მობილობის საფაკულტეტო კომისია. კომისია ადგენს შიდა მობილობის მსურველად დარეგისტრირებული სტუდენტების მიერ გავლილი პროგრამის და მიმღები ფაკულტეტის სასწავლო პროგრამის თავსებადობას, საჭიროების შემთხვევაში (მიმღებ ფაკულტეტზე კონკურსის არსებობის, ან იმ შემთხვევაში, თუ ეროვნულ გამოცდებზე განსხვავებული საგნებია ჩაბარებული და ა.შ.) ნიშნავს წერილობით გამოცდას და/ან გასაუბრებას, აკეთებს შესაბამის დასკვნას.
4. მობილობის საფაკულტეტო კომისიის დასკვნის საფუძველზე უნივერსიტეტის რექტორი გამოსცემს სამართლებრივ აქტს სტუდენტის მობილობასთან დაკავშირებით. ერთიანი ეროვნული/საერთო სამაგისტრო გამოცდების გარეშე საგანმანათლებლო პროგრამაზე ჩარიცხული სტუდენტები/ქართულ ენაში მომზადების საგანმანათლებლო პროგრამაზე ჩარიცხული სტუდენტები ბაკალავრიატში სწავლის გაგრძელების შემთხვევაში, შიდა მობილობით საგანმანათლებლო პროგრამის შეცვლის უფლებას მოიპოვებენ ვაკანტური ადგილების რაოდენობის გადაჭარბებით.
5. უმაღლეს სასწავლებელში შიდა მობილობის წესით სტუდენტის ჩარიცხვის შემთხვევაში მისი სწავლის გადასახადი განისაზღვრება იმ საგანმანათლებლო პროგრამის სწავლის საფასურით, რომელზეც იგი გააგრძელებს სწავლას.

### **მუხლი 7. უნივერსიტეტიდან გარიცხულიამორიცხული სტუდენტის აღდგენის წესით ჩარიცხვა**

1. უნივერსიტეტიდან (აგრეთვე იმ უსდ-დან, რომლის უფლებამონაცვლეც არის უნივერსიტეტი) გარიცხული/ამორიცხული სტუდენტის აღდგენის წესით ჩარიცხვა ხორციელდება „უმაღლესი განათლების შესახებ“ საქართველოს კანონისა და საქართველოს განათლებისა და მეცნიერების სამინისტროს მიერ დადგენილი წესის შესაბამისად. 2010 წლის 4 თებერვლამდე გარიცხული/ამორიცხული სტუდენტი განიხილება სტუდენტის სტატუსის შეჩერებულ პირად

გარიცხვის/ამორიცხვის შესახებ ბრძანების გამოცემიდან ათი წლის განმავლობაში და ამ ვადაში უფლებამოსილია, მომართოს უნივერსიტეტს სტუდენტის სტატუსის აღდგენის თაობაზე, თუ გარიცხვის/ამორიცხვის საფუძველი არ არის ამ წესით დადგენილი სტუდენტის სტატუსის შეწყვეტის საფუძველი.

2. უნივერსიტეტიდან გარიცხული სტუდენტის აღდგენის შემთხვევაში, სწავლის გაგრძელების დასაშვები ეტაპი განისაზღვრება საქართველოს განათლებისა და მეცნიერების მინისტრის 2010 წლის 04 თებერვლის N10/ნ ბრძანების „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის“ შესაბამისად, ფაკულტეტის მიერ ამორიცხვამდე ათვისებული პროგრამის ახალ პროგრამასთან თავსებადობის საფუძველზე ამ კოდექსის მუხლი 10-ის (კრედიტების აღიარების წესის) შესაბამისად.
3. უნივერსიტეტიდან გარიცხული/ამორიცხული სტუდენტის აღდგენის წესით ჩარიცხვა ხორციელდება სემესტრის დაწყებამდე, ან სემესტრის დაწყებიდან 1 ნოემბრამდე (შემოდგომის სემესტრში) და 1 აპრილამდე (გაზაფხულის სემესტრში).
4. სემესტრის დასრულების შემდეგ ყველა აქტიური სტატუსის მქონე სტუდენტი ექვემდებარება მომდევნო სემესტრის გადაყვანას (გარდა დამამთავრებელი სემესტრის სტუდენტებისა).

#### **მუხლი 8. უნივერსიტეტში სწავლის გაგრძელება საერთაშორისო მობილობის ფარგლებში**

ერთიანი ეროვნული /საერთო სამაგისტრო გამოცდების გავლის გარეშე სწავლის გაგრძელების უფლების მქონე პირთა უნივერსიტეტში ჩარიცხვა და გაცვლითი პროგრამის ფარგლებში უნივერსიტეტში ჩარიცხვა ხორციელდება “უმაღლესი განათლების შესახებ“ საქართველოს კანონის და საქართველოს განათლებისა და მეცნიერების სამინისტროს მიერ დადგენილი წესის შესაბამისად.

#### **მუხლი 9. უნივერსიტეტის სტუდენტის მიერ კრედიტების მოპოვების წესი**

1. ბაკალავრიატის სწავლების საფეხურზე კრედიტების წლიური დასაშვები ოდენობა განისაზღვრება 60-75 კრედიტით (60 მირითადი, 15 დამატებითი).
2. სამაგისტრო პროგრამით დადგენილი სასწავლო კრედიტები (120 კრედიტი) უნდა შესრულდეს მაგისტრატურაში სწავლისათვის განსაზღვრული 4 სემესტრის განმავლობაში. მაგისტრატურაში კრედიტების წლიური დასაშვები ოდენობა განისაზღვრება წელიწადში 60- 75 კრედიტით.
3. სადოქტორო პროგრამით დადგენილი სასწავლო და კვლევითი კრედიტები (180 კრედიტი) უნდა შესრულდეს დოქტორანტურაში სწავლისათვის განსაზღვრული 6 სემესტრის

განმავლობაში.

4. საქართველოსა და უცხოეთის უსდ-ში მოპოვებული კრედიტების აღიარება ხდება კანონმდებლობით დადგენილი წესით აკადემიური საბჭოს მიერ დადგენილი კრედიტების აღიარების წესის შესაბამისად.

## მუხლი 10. უნივერსიტეტის კრედიტების აღიარების წესი

1. უნივერსიტეტში სტუდენტის უფლებებში აღსადგენი პირის ან საქართველოს სხვა უსდ-დან გადმომსვლელი სტუდენტის მიერ გავლილი პროგრამის აღიარება/ცნობა ხორციელდება 1997 წლის ლისაბონის „ევროპის რეგიონში უმაღლეს განათლებასთან დაკავშირებული კვალიფიკაციების ცნობის კონვენციის“ დებულებების და საქართველოს განათლებისა და მეცნიერების მინისტრის 2010 წლის 4 თებერვლის #10/ნ ბრძანების შესაბამისად. მას შემდეგ, რაც (როგორც საქართველოში, ისე მის ფარგლებს გარეთ) უმაღლესი საგანმანათლებლო დაწესებულებების კურიკულუმები დაეფუძნა სწავლის შედეგებსა და შესაბამის კომპეტენციებს, სასწავლო კურსების აღიარება ხდება სწავლის შედეგებიდან გამომდინარე, შესაბამისი სილაბუსების ანალიზის შედეგად.

2. -უნივერსიტეტიდან ან საქართველოს სხვა უსდ-დან გარიცხული/ამორიცხული სტუდენტის ერთიანი ეროვნული გამოცდების შედეგად უნივერსიტეტში ჩარიცხვის შემთხვევაში იმის განსასაზღვრად, თუ რა ეტაპიდან განაგრძობს სწავლას სტუდენტი, უნივერსიტეტი გადაწყვეტილებას იღებს სტუდენტის მიერ ათვისებული უმაღლესი საგანმანათლებლო პროგრამის აკადემიური ცნობის თაობაზე წერილობითი მოტივირებული დასკვნის შესაბამისად, რომელშიც მიეთითება შესაბამისობები და შეუსაბამობები უნივერსიტეტის იმ პროგრამასთან, რომელზეც პირს სურს სწავლის გაგრძელება.

3. სტუდენტებს, რომლებსაც სწავლა უნდა დაემთავრებინათ თსუ მესხეთის ფილიალში ერთსაფეხურიანი ან ბაკალავრიატის პროგრამით, ან სსიპ ახალციხის ინსტიტუტში საბაკალავრო პროგრამით, მაგრამ აკადემიური დავალიანების გამო არ მიენიჭათ შესაბამისი კვალიფიკაცია და არ არსებობს სამართლებრივი აქტი მათზე სტუდენტის სტატუსის შეწყვეტის შესახებ, უფლება ეძლევათ პირადი განცხადების საფუძველზე თვით დაფინანსების გზით დაასრულონ სწავლა სამცხე-ჯავახეთის სახელმწიფო უნივერსიტეტში შესაბამის სპეციალობაზე დამატებითი კრედიტების ან სემესტრის (სემესტრების) დანიშვნის (გავლის) გზით.

4. სტუდენტის მიერ გავლილი პროგრამის აღიარებისას, გასათვალისწინებელია შემდეგი გარემოება: 2005 წლამდე თსუ მესხეთის ფილიალში სტუდენტის ცოდნის შეფასება ხორციელდებოდა შემდეგი სისტემით: „ფრიადი (5)“, „კარგი (4)“, „დამაკმაყოფილებელი (3)“, „არადამაკმაყოფილებელი (2)“, „ჩათვლა“, „არჩათვლა“.

5. 2005 წლიდან სტუდენტის ცოდნის დონე განისაზღვრება 100 ქულიანი სისტემით. სტუდენტის შეფასება წარმოებს შემდეგი პრინციპით:

91\_100 „ფრიადი“ (A)

81\_90 „მაღიან კარგი“ (B)

71\_80 „კარგი“ (C)

61\_70 „საშუალო” (D)

51\_60 „დამაკმაყოფილებელი” (E)

41\_50 „არადამაკმაყოფილებელი” (FX)

0\_40 „სრულიად არადამაკმაყოფილებელი” (F)

6. შეფასების 5 ბალიანი სისტემის 100 ქულიან სისტემაზე გადაყვანა ხდება შემდეგი პრინციპით:

ფრიადი (5) - 91 ქულა A

კარგი (4) - 81 ქულა B

დამაკმაყოფილებელი (3) - 65 ქულა D

არადიფერენცირებულ „ჩათვლას“ ენიჭება პირობითი ქულა: სტუდენტის მიერ ყველა საგანში მიღებული ქულების საშუალო არითმეტიკული (მთელ რიცხვამდე დამრგვალებული).

## 7. კრედიტების აღიარების წესი

7.1 სტუდენტის მიერ გავლილი სასწავლო კურსის დასახელება და კრედიტების რაოდენობა თუ ემთხვევა სსიპ სამცხე-ჯავახეთის სახელმწიფო უნივერსიტეტში მოქმედი პროგრამის საგნის დასახელებასა და კრედიტებს, მაშინ მისი აღიარება ხდება

7.2 სტუდენტის მიერ გავლილი სასწავლო კურსის დასახელება თუ არ ემთხვევა სსიპ სამცხე-ჯავახეთის სახელმწიფო უნივერსიტეტის საგნების დასახელებას, კომისიამ შესაძლებელია ზოგადი ხასიათის საგანი სტუდენტს უღიაროს როგორც შესავალი შესაბამის მიმართულებაში (მაგ. “ფილოსოფია” როგორც შესავალი ფილოსოფიაში”), ხოლო თუ სპეციფიკური საგნებია, აღიარება შეიძლება მოხდეს ფაკულტეტის შესაბამისი მიმართულების კურიკულუმის საგნებთან თემატური შეთავსების საფუძველზე (მაგ. “პოლიტიკური პარტიების ისტორია” შეიძლება აღიარებულ იქნას როგორც “პოლიტოლოგია”).

7.3 უნივერსიტეტში გადმომსვლელი სტუდენტის უსდ-ში თუ იყენებდნენ არა ECTS კრედიტებს, არამედ განსხვავებულ საკრედიტო სისტემას, უნდა დადგინდეს ამ სისტემის შესაბამისობა საერთო ევროპულ ECTS კრედიტების სისტემასთან. თუ სტუდენტის უსდ-ს არ გააჩნია საკრედიტო სისტემა, მაშინ სტუდენტის სასწავლო ბარათში მითითებული უნდა იყოს თითოეული სასწავლო კურსის მოცულობა (რამდენი კვირა ისწავლა სტუდენტმა ეს სასწავლო კურსი და კვირაში რამდენი საათი ეთმობოდა მას). აღნიშნულ საგანს უნდა მიენიჭოს კრედიტების ის რაოდენობა, რაც სამცხე-ჯავახეთის სახელმწიფო უნივერსიტეტში ანალოგიური მოცულობის სხვა სასწავლო კურსებს აქვთ (კრედიტების მინიჭების დროს გათვალისწინებული უნდა იქნას როგორც საკონტაქტო, ისე დამოუკიდებელი მუშაობის საათები).

7.4 საგნებში, რომელიც სტუდენტს ეკითხებოდა ECTS -ის შემოღებამდე, კრედიტების აღიარება ხორციელდება საკონტაქტო საათების მიხედვით შემდეგი წესით:

30\_60 სთ. \_ 5 კრედიტი

61\_120 სთ. \_ 10 კრედიტი

121\_180 სთ. \_ 15 კრედიტი

181\_240 სთ. \_ 20 კრედიტი

7.5 უნივერსიტეტში სტუდენტის საქართველოს სხვა უსდ-დან გადმოყვანა ხორციელდება III სემესტრიდან (სწავლების მეორე წლიდან) VIII სემესტრის ჩათვლით. თუ რა ეტაპიდან განაგრძობს სტუდენტი სწავლას განისაზღვრება აღიარებული კრედიტების რაოდენობის მიხედვით შემდეგნაირად:

- ა) 0\_15 კრედიტის აღიარების შემთხვევაში სტუდენტი სწავლას აგრძელებს I სემესტრიდან.
- ბ) 20\_30 კრედიტის აღიარების შემთხვევაში სტუდენტი სწავლას აგრძელებს II სემესტრიდან
- გ) 35\_60 კრედიტის აღიარების შემთხვევაში სტუდენტი სწავლას აგრძელებს III სემესტრიდან.
- დ) 65\_90 კრედიტის აღიარების შემთხვევაში სტუდენტი სწავლას აგრძელებს IV სემესტრიდან.
- ე) 95\_120 კრედიტის აღიარების შემთხვევაში სტუდენტი სწავლას აგრძელებს V სემესტრიდან.
- ვ) 125\_155 კრედიტის აღიარების შემთხვევაში სტუდენტი სწავლას აგრძელებს VI სემესტრიდან.
- ზ) 160\_195 კრედიტის აღიარების შემთხვევაში სტუდენტი სწავლას აგრძელებს VII სემესტრიდან.
- თ) 200\_210 კრედიტის აღიარების შემთხვევაში სტუდენტი სწავლას აგრძელებს VIII სემესტრიდან.
- ი) ზემოხსენებულ ქვეპუნქტებში („ა”, „ბ”, „გ”, „დ”, „ე”, „ვ”, „ზ”, „თ” ) მითითებული აღიარებული კრედიტების რაოდენობით შესაძლებელია აღდგენის/მობილობის/შიდა მობილობის მსურველ სტუდენტს სასწავლო პროცესში ჩართვისათვის სემესტრი განესაზღვროს ერთი სემესტრით წინ ან ერთი სემესტრით უკან აღნიშნულ ქვეპუნქტებში განსაზღვრული სემესტრისაგან განსხვავებით, სასწავლო პროგრამის განსაზღვრულ ვადაში დასრულების მიზნით.

7.6 უნივერსიტეტში საქართველოს სხვა უსდ-დან გადმოყვანის (უნივერსიტეტის შიგნით სპეციალობის შეცვლის), სტუდენტის უფლებებში აღდგენის და საქართველოს სხვა უსდ-დან ამორიცხული სტუდენტის ეროვნული გამოცდების შედეგად ჩარიცხვის შემთხვევაში, სტუდენტის მიერ განვლილი პროგრამის აღიარების საფუძველია სსიპ სამცხე-ჯავახეთის სახელმწიფო უნივერსიტეტის რექტორის სახელზე დაწერილი დაინტერესებული პირის განცხადება.

8. უნივერსიტეტში სტუდენტთა შიდა და გარე მობილობის, სტუდენტის უფლებებში აღდგენის, სტუდენტის მიერ გარიცხვამდე ან სხვა უსდ-ში მიღებული ცოდნისა და კომპეტენციების აღიარების და სხვა საკითხების კოორდინაციისა და ღონისძიებების გატარების მიზნით, ფაკულტეტის დეკანის გადაწყვეტილებით, იქმნება კრედიტების აღიარების საფაკულტეტო კომისიები. კრედიტების აღიარების საფაკულტეტო კომისიის შემადგენლობაში შედიან:

- შესაბამისი მიმართულების საგანმანათლებლო პროგრამის ხელმძღვანელი და/ან მის მიერ რეკომენდებული პირი/პირები (აკადემიური პერსონალი ან ხელშეკრულებით მოწვეული, შესაბამისი დარგობრივი კვალიფიკაციის მქონე პირი);
- ფაკულტეტის ხარისხის უზრუნველყოფის სამსახურის წარმომადგენელი;
- ფაკულტეტის აკადემიური და ადმინისტრაციული პერსონალის სხვა წარმომადგენლები

9. კრედიტების აღიარების საფაკულტეტო კომისიას ევალება:

- სტუდენტის მიერ წარმოსადგენი დოკუმენტაციის ნუსხის შემუშავება;
- სტუდენტის მიერ გავლილი პროგრამისა და უნივერსიტეტში მოქმედი საგანმანათლებლო პროგრამების თავსებადობის დადგენა.
- დასკვნის მომზადება, სადაც დეტალურად უნდა იქნას ასახული:

- რამდენი კრედიტი უღიარდება სტუდენტს;
- რომელი სემესტრიდან გააგრძელებს სტუდენტი სწავლას;
- რა საგნები უნდა გაიაროს სტუდენტმა თვითდაფინანსების გზით (ასეთის არსებობის შემთხვევაში).

10. კრედიტების აღიარების საფაკულტეტო კომისიების დასკვნების საფუძველზე გამოიცემა რექტორის ბრძანება. გარე მობილობის შემთხვევაში უნივერსიტეტის სასწავლო განყოფილებაში მზადდება ბრძანების პროექტი, რომელიც შესათანხმებლად წარედგინება სსიპ განათლების ხარისხის განვითარების ეროვნულ ცენტრს. ცენტრიდან დადებითი პასუხის მიღების შემთხვევაში გამოიცემა რექტორის ბრძანება.

11. გაცვლითი პროგრამის ფარგლებში მიღებული კრედიტების აღიარება ხდება შემდეგი წესით:

11.1. უნივერსიტეტის გაცვლითი პროგრამების მონაწილე, უცხოეთის აკრედიტირებულ უმაღლეს საგანმანათლებლო დაწესებულებაში სასწავლებლად მყოფი უნივერსიტეტის სტუდენტი განცხადებით მიმართავს უნივერსიტეტის რექტორს და უცხოეთის უსდ-ში დაგროვილი კრედიტების აღიარების მოთხოვნით.

11.2. სტუდენტის განცხადებაში უნდა მიეთითოს: უცხოური უსდ-ს დასახელება, ფაკულტეტი, სპეციალობა (საბაკალავრო, სამაგისტრო, სადოკტორო პროგრამა), სწავლის პერიოდი, გავლილი

სასწავლო კურსები (მოდულები), მიღებული შეფასებები, მინიჭებული კრედიტები (მათი არსებობის შემთხვევაში), ან სასწავლო კურსების მოცულობა (საკონტაქტო საათების რაოდენობა).

11.3. სტუდენტის განცხადებას თან უნდა ერთვოდეს საზღვარგარეთ სწავლის დამადასტურებელი დოკუმენტაციის ასლები და მათი ნოტარიულად დამოწმებული თარგმანი.

11.4. სტუდენტთა გაცვლითი პროგრამის თაობაზე უნივერსიტეტი აცნობებს განათლების ხარისხის განვითარების ეროვნულ ცენტრს. პარალელურად სტუდენტმა უნდა მიმართოს სსიპ განათლების ხარისხის განვითარების ეროვნულ ცენტრს უცხოეთში გაცემული საგანმანათლებლო დოკუმენტების აღიარების მოთხოვნით.

11.5. საზღვარგარეთ სწავლის დროს დაგროვილი კრედიტების აღიარება შესაძლებელია მოხდეს უცხოეთში გაცემული საგანმანათლებლო დოკუმენტების აღიარების თაობაზე სსიპ განათლების ხარისხის განვითარების ეროვნული ცენტრის დასკვნის საფუძველზე.

11.6. იმ შემთხვევაში, თუ სსიპ განათლების ხარისხის განვითარების ეროვნულმა ცენტრმა არ აღიარა უცხოეთში გაცემული საგანმანათლებლო დოკუმენტები, სტუდენტი უნივერსიტეტში სწავლას გააგრძელებს გაცვლით პროგრამამდე სწავლის საფეხურიდან.

11.7. ბოლონიის პროცესის წევრი უცხოური უსდ უზრუნველყოფს სტუდენტთან ე.წ. სასწავლო ხელშეკრულების (learning agreement) გაფორმებას და სწავლის დასრულების შემდეგ მისთვის ე.წ. ნიშნების ფურცლის (Transcript of records) გაცემას ბოლონიის პროცესის ფარგლებში შემუშავებული სპეციალური ფორმების შესაბამისად. აამ შემთხვევაში სტუდენტი წარმოადგენს სასწავლო ხელშეკრულებას და ნიშნების ფურცელს, რომელშიც მითითებული იქნება მის მიერ გავლილი სასწავლო კურსების/მოდულების სახელწოდება, კრედიტების რაოდენობა და მიღებული შეფასება.

11.8. იმ შემთხვევაში, თუ უცხოური უსდ ვერ უზრუნველყოფს სტუდენტის სასწავლო ხელშეკრულებითა და ნიშნების ფურცლით, მაშინ სტუდენტს უნდა მიეცეს შესაბამისი პასუხისმგებელი სტრუქტურის და პასუხისმგებელ პირის მიერ დამოწმებული ოფიციალური დოკუმენტი, რომელშიც მითითებული იქნება: მის მიერ გავლილი სასწავლო კურსები/მოდულების სახელწოდება, ECTS კრედიტები და მიღებული შეფასება.

11.9. თუ უცხოური უსდ იყენებს არა ECTS კრედიტებს, არამედ სასწავლო კურსებისთვის კრედიტების მინიჭების განსხვავებულ სისტემას, მაშინ სტუდენტმა უნდა წარმოადგინოს უცხოური უსდ-ს ოფიციალური დოკუმენტი, რომელშიც მითითებული იქნება ამ სისტემის შესაბამისობა ტრანსფერისა და დაგროვების ევროპულ საკრედიტო სისტემასთან (ECTS).

11.10. თუ უცხოური უსდ-ს არ გააჩნია სასწავლო კურსებისთვის კრედიტების მინიჭების სისტემა, მაშინ სტუდენტის ნიშნების ფურცელში (სასწავლო ბარათში, ან სწავლის დამადასტურებელ შესაბამის დოკუმენტში) მითითებული უნდა იყოს თითოეული სასწავლო

კურსის/მოდულის მოცულობა (სემესტრული საკონტაქტო საათები). აღნიშნულ კურსებს ენიჭება პირობითი კრედიტები.

11.11. იმ შემთხვევაში, თუ უცხოური უსდ იყენებს შეფასების არა 100-ქულიან, არამედ განსხვავებულ სისტემას, მაშინ სტუდენტმა უნდა წარმოადგინოს უცხოური უსდ-ს ოფიციალური დოკუმენტი, რომელშიც განმარტებული იქნება შეფასების ეს სისტემა და მისი შესაბამისობა შეფასების 100 ქულიან სისტემასთან.

11.12. იმ შემთხვევაში, თუ უცხოური უსდ-ში მოქმედი სტუდენტთა ცოდნის შეფასების სისტემა ითვალისწინებს არა ქულებს, არამედ შეფასების აღმნიშვნელ ლათინურ ასოებს (A, B, B, D, E, A+, A, A- და სხვა.) ან სიტყვიერ განსაზღვრებას (ფრიადი, ძლაინ კარგი, კარგი, საშუალო, დამაკმაყოფილებელი) და არ არსებობს ამ სისტემის განმარტების ოფიციალური დოკუმენტი, მოცემული სისტემის გადაყვანა უნივერსიტეტში მოქმედ სისტემაზე მოხდეს შემდეგი წესით:

A+	ფრიადი	100
A	ფრიადი	95
A-	ფრიადი	91
B+	ძალიან კარგი	90
B	ძალიან კარგი	85
B-	ძალიან კარგი	81
C+	კარგი	80
C	კარგი	75
C-	კარგი	71
D+	დამაკმაყოფილებელი	70
D	დამაკმაყოფილებელი	65
D-	დამაკმაყოფილებელი	61
E+	საკმარისი	60
E	საკმარისი	55
E-	საკმარისი	51

11.13. იმ შემთხვევაში, თუ უცხოური უსდ იყენებს აღნიშნული დადგენილების მე-12 პუნქტში მითითებული შეფასების სისტემისაგან განსხვავებულ სისტემას, კომისია უფლებამოსილია, დაადგინოს ამ სისტემის შესაბამისობა უნივერსიტეტში მოქმედ შეფასების სისტემასთან.

11.14. უნივერსიტეტის გაცვლითი პროგრამის მონაწილე და/ან უცხოურ უსდ-ში დროებით სასწავლებლად წასული სტუდენტის მიერ უცხოურ უსდ-ში გასავლელი სასწავლო კურსები წინასწარ უნდა იყოს შეთანხმებული შესაბამისი საგანმანათლებლო პროგრამის ხელმძღვანელთან (კოორდინატორთან) და ან/კომისიასთან.

11.15. უნივერსიტეტის გაცვლითი პროგრამის კოორდინატორი გაცვლითი პროგრამის მონაწილე სტუდენტის სასწავლო ხელშეკრულებას ადასტურებს ხელმოწერით. სტუდენტს წერილობით

ეცოდინება, რომ უცხოურ უსდ-ში გავლილი კურსების თავსებადობას უნივერსიტეტის კურიკულუმთან და სტუდენტის მიერ არჩეულ ძირითად და დამატებით პროგრამებთან დაადგენს კომისია.

11.16. უცხოურ უსდ-ში სწავლის დროს დაგროვილი კრედიტების აღიარება ხდება კრედიტების აღიარების რეგულაციის შესაბამისად.

11.17. გამონაკლისის სახით, სტუდენტის მიერ უცხოურ უსდ-ში მიღებული ე.წ. „არადიფერენციარებული ჩათვლა“ შეიძლება აღიარებული იქნას კომისიის მიერ იმ შემთხვევაში, თუ დასტურდება, რომ უცხოურ უსდ-ს აღნიშნულ სასწავლო კურსში დიფერენცირებული (ქულობრივი) შეფასება არ გააჩნია. ამ შემთხვევაში ე.წ. „არადიფერენცირებული ჩათვლას“ ენიჭება პირობითი ქულა.

11.18. გმონაკლისის სახით, კომისიამ შეიძლება აღიაროს სტუდენტის მიერ უცხოურ უსდ-ში გავლილი ისეთი სასწავლო კურსი, რომელსაც არ ითვალისწინებს უნივერსიტეტის კურიკულუმი, მაგრამ რომელიც მისი მიზნებიდან და სწავლის შედეგებიდან გამომდინარე მნიშვნელოვანია სტუდენტის სამომავლო კვალიფიკაციისა და პროფესიული განვითარებისათვის.

**მუხლი 11.** უნივერსიტეტის მიერ საგანმანათლებლო პროგრამის შეცვლის ან გაუქმების შემთხვევაში შესაბამისი პროგრამის სტუდენტების შემდეგი განათლებით უზრუნველყოფის მექანიზმი

1. უნივერსიტეტი ბაკალავრიატის საგანმანათლებლო პროგრამის შეცვლის ან გაუქმების შემთხვევაში: სასწავლებელი უზრუნველყოფს მაღალკურსელთათვის (III და IV კურსები) საგანმანათლებლო პროგრამის დასრულებას.

2. I და II კურსის სტუდენტებს სთავაზობს ახალ ან, სხვა საგანმანათლებლო პროგრამაზე (ერთი მიმართულების შიგნით ან, სხვა მიმართულებაზე) გადასვლას. ასეთ შემთხვევაში სტუდენტების ახალი საგანმანათლებლო პროგრამის ფარგლებში შემუშავდება ინდივიდუალური სასწავლო გეგმა. სასწავლებელი სტუდენტების ახალ პროგრამაზე გადასვლას უზრუნველყოფს სტუდენტის მიერ ძველ პროგრამაზე გადახდილი სასწავლო თანხის ფარგლებში.

3. ბაკალავრიატის საგანმანათლებლო პროგრამის შეცვლის, ან გაუქმების შემთხვევაში, თუ I და II კურსის სტუდენტები გამოთქვამენ სურვილს, სწავლა გააგრძელონ სხვა სასწავლებელში, სსიპ სამცხე-ჯავახეთის სახელმწიფო უნივერსიტეტი ხელს უწყობს სტუდენტებს, რათა განათლების ხარისხის განვითარების ეროვნულ ცენტრში დარეგისტრირდნენ სხვა სასწავლებელში გადასასველელად.

4. სსიპ სამცხე-ჯავახეთის სახელმწიფო უნივერსიტეტში მაგისტრატურის საგანმანათლებლო პროგრამის შეცვლის, ან გაუქმების შემთხვევაში:

ა) სასწავლებელი უზრუნველყოფს მეორეკურსელთათვის საგანმანათლებლო პროგრამის დასრულებას.

5. მაგისტრატურის პირველეკურსელთათვის რეგულირდება ამ მუხლის 2 და 3 პუნქტების შესაბამისად.
6. უნივერსიტეტში თუ ბაკალავრიატის, ან მაგისტრატურის საგანმანათლებლო პროგრამებზე პირველ სემესტრში აკადემიური ჯგუფი არ დაკომპლექტდება, სასწავლებლის მიერ დადგენილი სტუდენტების სათანადო რაოდენობით, სტუდენტებს უჩერდებათ სტუდენტის სტატუსი ამავე პროგრამაზე აკადემიური ჯგუფის გახსნამდე ან უნივერსიტეტი სტუდენტებს თავაზობს II კურსიდან სხვა საგანმანათლებლო პროგრამაზე გადასვლას.
7. უნივერსიტეტში დოქტორანტურის საგანმანათლებლო პროგრამის შეცვლის შემთხვევაში სტუდენტი სარგებლობს შიდა მობილობის შესაძლებლობით, ხოლო გაუქმების შემთხვევაში სასწავლებელი ხელს უწყობს სტუდენტებს, რათა განათლების ხარისხის განვითარების ეროვნულ ცენტრში დარეგისტრირდნენ სხვა სასწავლებელში გადასასვლელად.
8. საგანმანათლებლო პროგრამის შეცვლის ან გაუქმების შემთხვევაში მოდიფიცირებულ და თავსებად, მომიჯნავე/მონათესავე საგანმანათლებლო პროგრამაზე სწავლის გაგრძელების მსურველ სტუდენტთა კრედიტების აღიარება ხდება შემდგნაირად:
9. შეცვლილ/გაუქმებულ პროგრამაზე სტუდენტის მიერ გავლილი სასწავლო კურსების კრედიტების აღიარებას ახდენს კრედიტების აღიარების საფაკულტეტო კომისია (შემდგომში: კომისია), რომლის შემადგენლობაშიც შედიან:
  - ა) შეცვლილ/გაუქმებული და ახალი საგანმანათლებლო პროგრამის ხელმძღვანელი/კოორდინატორი და/ან მათ მიერ რეკომენდებული პირი/პირები (აკადემიური პერსონალი ან ხელშეკრულებით მოწვეული, შესაბამისი დარგობრივი კვალიფიკაციის მქონე პირი);
  - ბ) ფაკულტეტის ხარისხის უზრუნველყოფის სამსახურის წარმომადგენელი/ წარმომადგენლები;
  - გ) ფაკულტეტის აკადემიური და ადმინისტრაციული პერსონალის სხვა წარმომადგენლები ფაკულტეტის დეკანის გადაწყვეტილებით.
10. სტუდენტს ავტომატურად უღიარდება შეცვლილი/გაუქმებული პროგრამით გავლილი სასწავლო კურსები, თუ მათი დასახელება, სწავლის შედეგები და კრედიტების რაოდენობა ემთხვევა ახალი პროგრამით გათვალისწინებული სასწავლო კურსების დასახელებას, სწავლის შედეგებს და კრედიტების რაოდენობას.
11. თუ შეცვლილი/გაუქმებული საგანმანათლებლო პროგრამის ფარგლებში სტუდენტის მიერ გავლილი სასწავლო კურსის დასახელება არ ემთხვევა ახალი პროგრამით გათვალისწინებული სასწავლო კურსების დასახელებას, ხოლო კრედიტების რაოდენობა იგივეა, კომისიას შეუძლია, ზოგადი ხასიათის საგანმანათლებლო სტუდენტს უღიაროს, როგორც შესაბამისი დარგის, სპეციალობის შესავალი, ხოლო სპეციფიკური საგნების აღიარება შეიძლება მოხდეს ფაკულტეტის შესაბამისი მიმართულების კურიკულუმის საგნებთან თემატური, შინაარსობრივი შეთავსების საფუძველზე სწავლის შედეგებიდან გამომდინარე.

12. შეცვლილი/გაუქმებული საგანმანათლებლო პროგრამით გათვალისწინებული სავალდებულო სასწავლო კურსი, რომლის დასახელება, შინაარსი და სწავლის შედეგები არ ემთხვევა ახალი პროგრამით გათვალისწინებულ სასწავლო კურსს, სტუდენტს უღიარდება, როგორც თავისუფალი კრედიტი (თავისუფალი კრედიტებისთვის დადგენილი ზღვრული ნორმის ფარგლებში).

13. თუ შეცვლილი/გაუქმებული საგანმანათლებლო პროგრამის ფარგლებში სტუდენტის მიერ გავლილი სასწავლო კურსის დასახელება და/ან სწავლის შედეგები ემთხვევა ახალი პროგრამით გათვალისწინებული სასწავლო კურსის დასახელებას და/ან სწავლის შედეგებს, ხოლო კრედიტების რაოდენობა ახალი პროგრამით გათვალისწინებული (თავსებადი) სასწავლო კურსის კრედიტების რაოდენობაზე ნაკლებია, აღნიშნული სასწავლო კურსის კრედიტები სტუდენტს უღიარდება იმ რაოდენობით, რა რაოდენობითაც იყო გათვალისწინებული ძველი პროგრამით; სტუდენტს აღარ მოეთხოვება ამავე სასწავლო კურსის ფარგლებში ახალი პროგრამით გათვალისწინებული დამატებითი კრედიტების მოპოვება. იმ შემთხვევაში, თუ შეცვლილი/გაუქმებული საგანმანათლებლო პროგრამის სასწავლო კურსის კრედიტების რაოდენობა აღემატება ახალი სასწავლო კურსის კრედიტების რაოდენობას, სტუდენტს უღიარდება იმდენი კრედიტი, რამდენიც გათვალისწინებული იყო ძველი პროგრამით.

14. შეცვლილი/გაუქმებული საგანმანათლებლო პროგრამის ფარგლებში მოპოვებული თავისუფალი კრედიტები სტუდენტს ავტომატურად უღიარდება იმ შემთხვევაში, თუ სსიპ სამცხე-ჯავახეთის სახელმწიფო უნივერსიტეტის მოქმედი კურიკულუმით გათვალისწინებულია იმავე დასახელების, მოცულობის და სწავლის შედეგების მქონე სასწავლო კურსი.

15. თუ ამ წესით აღიარებული თავისუფალი კრედიტების რაოდენობა გადააჭარბებს ახალი პროგრამით გათვალისწინებული თავისუფალი კრედიტების რაოდენობას, სტუდენტს თავისუფალ კრედიტებად უღიარდება ის სასწავლო კურსები, რომლებშიც მიღებული აქვს უფრო მაღალი შეფასება, ან კრედიტების აღიარება მოხდება სტუდენტის სურვილის გათვალისწინებით.

16. იმ შემთხვევაში, თუ კრედიტების აღიარების დადგენილი წესით სტუდენტს დააკლდება აკადემიური ხარისხის მისანიჭებლად საჭირო კრედიტების რაოდენობა, მას ეძლევა უფლება, აინაზღაუროს დანაკლისი წელიწადში 75 კრედიტის ფარგლებში (სემესტრში 35-40 კრედიტი).

17. თუ გაუქმებულ საგანმანათლებლო პროგრამაზე ირიცხებიან სტუდენტები, მათი შემდგომი განათლებით უზრუნველყოფა განხორციელდება ამ წესის მუხლი 5-ის, მუხლი 6-ის და მუხლი 10-ის, შესაბამისად.

## მუხლი 12. ინდივიდუალური სასწავლო გეგმის შედგენა

1. ინდივიდუალური სასწავლო გეგმის შემუშავება ხდება სტუდენტების განსხვავებული მოთხოვნების, სპეციალური საგანმანათლებლო საჭიროებების და აკადემიური მომზადების, აგრეთვე საგანმანათლებლო პროცესში მათი შეუფერხებელი ჩართულობის უზრუნველსაყოფად;

2. ინდივიდუალური სასწავლო გეგმა უნდა ითვალისწინებდეს სტუდენტთა განსხვავებულ მოთხოვნებზე, მათ აკადემიურ მომზადებასა და სპეციალურ საგანმანათლებლო საჭიროებებზე მორგებულ სასწავლო გეგმას, სწავლა-სწავლების, შეფასების სათანადო ფორმებსა და პირობებს;
3. სპეციალური საგანმანათლებლო საჭიროების მქონე სტუდენტებისთვის ინდივიდუალური სასწავლო გეგმის შემუშავებისას გათვალისწინებული უნდა იყოს სასწავლო პროცესის ადაპტირებულ გარემოში განხორციელების შესაძლებლობა და საჭიროების შემთხვევაში შესაბამისი ადამიანური რესურსით უზრუნველყოფა;
4. სპეციალური საგანმანათლებლო საჭიროების მქონე სტუდენტმა/მეურვემ ინდივიდუალური გეგმის შედგენის მოთხოვნით უნდა მიმართოს შესაბამისი პროგრამის განმახორციელებელ ფაკულტეტს. სტუდენტის/მეურვის განცხადებას თან უნდა ერთვოდეს სპეციალური საგანმანათლებლო საჭიროების დამადასტურებელი დოკუმენტაცია.
5. ინდივიდუალური სასწავლო გეგმის შემუშავებისა და დამტკიცებისას გათვალისწინებული უნდა იყოს ამ წესის მუხლი 5-ის, მუხლი 6-ის და მუხლი 10-ის განსაზღვრული მოთხოვნები და პროცედურები;
6. ინდივიდუალურ სასწავლო გეგმას ფაკულტეტის ხარისხის უზრუნველყოფის სამსახურის წარდგინების საფუძველზე ამტკიცებს შესაბამისი ფაკულტეტის საბჭო.

### **მუხლი 13. სტუდენტის სტატუსის შეჩერება და აღდგენა**

1. სტუდენტის სტატუსის შეჩერების საფუძველია:
  - ა) პირადი განცხადება (მიზეზის მითითების გარეშე);
  - ბ) უცხო ქვეყანაში, უმაღლეს საგანმანათლებლო დაწესებულებაში სწავლა, გარდა გაცვლითი საგანმანათლებლო პროგრამის ფარგლებში სწავლისა;
  - გ) ორსულობა, მშობიარობა, ბავშვის მოვლა;
  - დ) ჯანმრთელობის მდგომარეობის გაუარესება;
  - ე) ფინანსური დავალიანება;
  - ვ) აკადემიური შვებულება;
  - ზ) აკადემიური (პროგრამის და საგნების არ არჩევა) რეგისტრაციის გაუვლელობა.
2. სტუდენტის სტატუსის შეჩერების მაქსიმალური ვადაა 5 წელი.
3. სტატუსის აღდგენის შემთხვევაში სტუდენტი სწავლას აგრძელებს იმ სემესტრიდან, რომლიდანაც შეუჩერდა სტუდენტის სტატუსი.

4. სწავლის საფასურის გადაუხდელობის შემთხვევაში, სტუდენტის სტატუსის შეჩერება სტუდენტს არ ათავისუფლებს სწავლის საფასურის გადახდის ვალდებულებისაგან.

5. სტუდენტის სტატუსის შეჩერებიდან 5 წლის შემდეგ პირს უწყდება სტუდენტის სტატუსი.

6. სტატუსის აღდგენის შემთხვევაში სტუდენტი სწავლას აგრძელებს იმ სემესტრიდან, რომლიდანაც შეუჩერდა სტუდენტის სტატუსი (თუ სტუდენტს არ გააჩნია აკადემიური დავალიანება). უნივერსიტეტში სტატუსშეჩერებული სტუდენტის აღდგენა ხორციელდება სემესტრის დაწყებამდე ან სემესტრის დაწყებიდან 1 ნოემბრამდე (შემოდგომის სემესტრში) და 1 აპრილამდე (გაზაფხულის სემესტრში). თუ სტატუსის შეჩერებამდე სტუდენტს ჩაბარებული აქვს შუალედური შეფასების კომპონენტები (შუალედური გამოცდები, პრეზენტაცია და სხვ.), მისი აღდგენა შესაძლებელია დასკვნით გამოცდამდე, სემესტრის განმავლობაში ნებისმიერ დროს (თუ სტუდენტი მიღებული შუალედური შეფასებების გაუმჯობესების მიზნით არ განაცხადებს წერილობით მოთხოვნას). ფინანსური დავალიანების გამო სტატუსშეჩერებული სტუდენტის აღდგენა ხორციელდება დავალიანების სრულად დაფარვის შემთხვევაში.

#### მუხლი 14. სტუდენტის სტატუსის შეწყვეტა

1. სტუდენტის სტატუსის შეწყვეტის საფუძველია:

- უნივერსიტეტში სწავლის პერიოდში 5 წელზე მეტი ვადით სტატუსის შეჩერება;
- საგანმანათლებლო პროგრამის დასრულება მოცემულ საფეხურზე;
- პირადი განცხადება;
- შესაბამისი საგანმანათლებლო პროგრამის მოთხოვნების შეუსრულებლობა აკადემიური ხარისხის მოსაპოვებლად დადგენილ ვადებში;
- უნივერსიტეტის ეთიკის კოდექსით, უნივერსიტეტის შინაგანაწესითა და დისციპლინური პასუხისმგებლობის ნორმებით გათვალისწინებული, სტუდენტის სტატუსთან შეუთავსებელი ქმედების განხორციელება, ფაკულტეტის საბჭოს გადაწყვეტილების საფუძველზე;
- სხვა საგანმანათლებლო დაწყებულებაში გადასვლა;
- გარდაცვალება;
- კანონმდებლობით დადგენილი სხვა შემთხვევა.

2. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დგება ბრძანების გამოცემიდან თორმეტი თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია, ისარგებლოს მობილობის უფლებით.

3. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.

4. სტუდენტის სტატუსის შეწყვეტის ან შეჩერების შესახებ ინდივიდუალურ სამართლებრივ აქტს დეკანის წარდგინებით გამოსცემს უნივერსიტეტის რექტორი.

5. პირს, რომელმაც ვერ დაასრულა შესაბამისი საგანმანათლებლო პროგრამა და შეუწყდა სტუდენტის სტატუსი, ეძლევა სათანადო მოწმობა.

#### **მუხლი 15. დამატებით სემესტრში დარეგისტრირება და დამატებითი საფასურის დამტკიცება**

1. სტუდენტს უფლება აქვს საგანმანათლებლო პროგრამით გათვალისწინებულ ვადებსა და დაფინანსების (სემესტრული გადასახადის) ფარგლებში განმეორებით გაიაროს ცალკეული სასწავლო კურსი სემესტრულ სამუშაო ნორმად დადგენილი კრედიტების ოდენობით.

2. სტუდენტს, რომელმაც საგანმანათლებლო პროგრამით განსაზღვრულ ვადებში ვერ მოიპოვა შესაბამისი აკადემიური ხარისხი, უფლება ეძლევა თვითდაფინანსების გზით დაასრულოს სასწავლო პროგრამა მომდევნო არაუმეტეს ოთხი სემესტრის განმავლობაში.

3. დამატებითი სემესტრის სტუდენტის სწავლის საფასური განისაზღვრება კრედიტების მოცულობის მიხედვით სემესტრული გადასახადის შესაბამისად, შემდეგი წესით:

ა) სემესტრში დაგეგმილი საგანმანათლებლო პროგრამის სრულად გავლის შემთხვევაში საფასური განისაზღვრება მიმდინარე სასწავლო წელს დადგენილი ტარიფით;

ბ) ცალკეული სასწავლო კურსის ასათვისებლად სწავლის საფასური განისაზღვრება საგნისათვის მინიჭებული კრედიტის მოცულობის მიხედვით და ერთი კრედიტის ღირებულება განისაზღვრება შემდეგნაირად: სემესტრული გადასახადი შეფარდებული 30 – თან.

4. ბაკალავრიატის სწავლების საფეხურზე დამატებით სემესტრებში სტუდენტს უფლება ეძლევა 240 კრედიტის შესასრულებლად აირჩიოს საგნები 30-45 კრედიტის ფარგლებში ისე, რომ ერთი სასწავლო წლის კრედიტების საერთო რაოდენობამ არ გადააჭარბოს 75-ს.

5. მაგისტრატურის დამატებით სემესტრებში სტუდენტს უფლება ეძლევა 120 კრედიტის შესასრულებლად აირჩიოს საგნები 30-45 კრედიტის ფარგლებში ისე, რომ ერთი სასწავლო წლის კრედიტების საერთო რაოდენობამ არ გადააჭარბოს 75-ს.

6. ბაკალავრს, რომელიც მისთვის დადგენილ ვადაში, სემესტრის დასრულებამდე, ფაკულტეტზე წარმოადგენს საბაკალავრო ნაშრომს და ვერ დაიცავს საპატიო მიზეზით, უფლება ეძლევა, მომდევნო, დამატებით სემესტრი, აკადემიური კალენდრით განსაზღვრულ ვადაში გადაიხადოს მომსახურების საფასური 50 ლარის ოდენობით და დაიცვას საბაკალავრო ნაშრომი ფაკულტეტის მიერ განსაზღვრულ პერიოდში.

7. სტუდენტს, რომელიც დამატებითი სემესტრებით გათვალისწინებულ ვადებშიც ვერ დააგროვებს შესაბამისი აკადემიური ხარისხის მინიჭებისათვის საჭირო კრედიტებს, უწყდება სტუდენტის სტატუსი და იძენს კურსმოსმენილის სტატუსს, რომელიც დასტურდება აკადემიური ცნობით.

8. საგანმანათლებლო პროგრამის შეცვლის ან გაუქმების შემთხვევაში მოდიფიცირებულ ან მომიჯნავე/მონათესავე საგანმანათლებლო პროგრამაზე სწავლის გაგრძელების შემთხვევაში, სტუდენტი არ იხდის განსხვავებული საგნების ათვისებისათვის საჭირო კრედიტების საფასურს.

#### მუხლი 16. სტუდენტის შეფასების წესი

1. უნივერსიტეტში სტუდენტთა შეფასება სწავლების ყველა საფეხურზე საგანმანათლებლო პროგრამების (ბაკალავრიატი, მაგისტრატურა, დოქტორანტურა) სასწავლო და სამეცნიერო-კვლევით კომპონენტებში ხორციელდება შემდეგი წესით:

ა. საგანმანათლებლო პროგრამის სასწავლო კომპონენტში (სასწავლო კურსი, პრაქტიკა, საბაკალავრო ნაშრომი ან სხვ.) და სამეცნიერო-კვლევით კომპონენტში (სამაგისტრო ნაშრომი) შეფასება ხორციელდება 100 ქულიანი სისტემით.

ბ. სასწავლო კურსი ათვისებულად ითვლება, თუ სტუდენტის საბოლოო შეფასება ტოლია ან მეტია 51%.

გ. საბაკალავრო/სამაგისტრო ნაშრომის შეფასება დადებითია, თუ ნაშრომის შეფასება ტოლია ან მეტია 51%.

2. შეფასების სისტემით დასაშვებია

ა) ხუთი სახის დადებითი შეფასება:

ა.ა) (A) ფრიადი – შეფასების 91-100 ქულა;

ა.ბ) (B) ძალიან კარგი – მაქსიმალური შეფასების 81-90 ქულა;

ა.გ) (C) კარგი – მაქსიმალური შეფასების 71-80 ქულა;

ა.დ) (D) დამაკმაყოფილებელი – მაქსიმალური შეფასების 61-70 ქულა;

ა.ე) (E) საკმარისი – მაქსიმალური შეფასების 51-60 ქულა.

ბ) ორი სახის უარყოფით შეფასება:

ბ.ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ.ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

3. სასწავლო კომპონენტში უარყოფითი შეფასების (FX) მიღების შემთხვევაში სტუდენტს დამატებით დასკვნით გამოცდაზე გასვლის უფლება აქვს იმავე სემესტრში (საბაკალავრო ნაშრომის განმეორებით მომზადება იმავე ან მომდევნო სემესტრში). დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასების გათვალისწინებით

საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

4. სასწავლო კომპონენტში სტუდენტის სემესტრული შეფასების ფორმებია:

- შუალედური შეფასება (ერთჯერადი ან მრავალჯერადი);
- დასკვნითი შეფასება.

5. სასწავლო კომპონენტის შეფასების სისტემაში შეფასების ფორმებს შორის ხვედრითი წილის განაწილება ხდება სასწავლო კომპონენტის სილაბუსით. ასევე სილაბუსით განისაზღვრება სასწავლო კომპონენტის შეფასების კომპონენტები, მეთოდები და კრიტერიუმები.

6. საბოლოო შეფასება გამოითვლება შუალედური და დასკვნითი შეფასებების დაჯამების საფუძველზე.

7. შეფასების თითოეულ ფორმაში განსაზღვრული უნდა იყოს მინიმალური კომპეტენციის ზღვარი. დასკვნითი შეფასების მინიმალური კომპეტენციის ზღვრის ხვერდრითი წილი არ უნდა აღემატებოდეს დასკვნითი შეფასების 60 %-ს. სასწავლო კურსის პედაგოგი უფლებამოსილია შეფასების კომპონენტშიც განსაზღვროს მინიმალური კომპეტენციის ზღვარი.

8. შუალედური და დასკვნითი შეფასების მინიმალური კომპეტენციის ზღვრების ჯამი უნდა შეადგინდეს 51 ქულას.

9. დასკვნით გამოცდაზე გასვლის უფლება ეძლევა სტუდენტს, რომელსაც სილაბუსით გათვალისწინებული შუალედური შეფასების/შუალედური შეფასების კომპონენტების მინიმალური კომპეტენციის ზღვარი/ზღვრები დაძლეული აქვს. შესაძლებელია შუალედური შეფასების მინიმალური კომპეტენციის ზღვრის მისაღწევად დასკვნით გამოცდამდე სტუდენტმა განმეორებით ჩააბაროს სილაბუსით გათვალისწინებული შუალედური კომპონენტები.

10. დასკვნით გამოცდაზე სილაბუსით დადგენილი მინიმალური კომპეტენციის ზღვარზე ნაკლები შეფასების მიღების შემთხვევაში, თუ სტუდენტს შუალედური შეფასებითურთ ჯამურად უგროვდება მაქსიმალური შეფასების 41-50%, განმეორებით აბარებს დასკვნით გამოცდას. ხოლო, თუ სტუდენტი დასკვნით გამოცდაზე სილაბუსით დადგენილი მინიმალური კომპეტენციის ზღვარზე ნაკლებ შეფასებას მიიღებს და სტუდენტს შუალედური შეფასებითურთ ჯამურად უგროვდება მაქსიმალური შეფასების 40% დანაკლები, საბოლოო შეფასებად უფორმდება F-0. ასეთ შემთხვევაში სტუდენტი კურსს გაივლის განმეორებით.

11. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50% მიღების შემთხვევაში სტუდენტს უფორმდება F-0 შეფასება და სტუდენტი კურსს გაივლის განმეორებით. შუალედური და დასკვნითი გამოცდები საგანმანათლებლო პროგრამის სასწავლო კურსის (საგნის) თავისებურების გათვალისწინებით, ტარდება წერილობით, ზეპირად ან ელექტრონულად.

12. დოქტორანტურის საგანმანათლებლო პროგრამის სასწავლო კომპონენტის / კომპონენტების კრედიტების ჯამური რაოდენობა არ უნდა აღემატებოდეს 60 კრედიტის.

13. დოქტორანტის სასემინარო ნაშრომი ფასდება ასქულიანი სისტემით. სემინარის შეფასების კრიტერიუმები განისაზღვრება შესაბამისი სადოქტორო პროგრამით და სადისერტაციო საბჭოს დებულებით.

14. დოქტორანტურის საგანმანათლებლო პროგრამის სასწავლო კომპონენტი / კომპონენტები უნდა შეფასდეს მე-2 მუხლით გათვალისწინებული სისტემით.

15. დოქტორანტურის საგანმანათლებლო პროგრამის სამეცნიერო-კვლევითი კომპონენტის (სადისერტაციო ნაშრომის) შეფასებისათვის გამოიყენება შეფასების შემდეგი სისტემა:

- ა) ფრიადი (summa cum laude) – შესანიშნავი ნაშრომი;
- ბ) ძალიან კარგი (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება;
- გ) კარგი (cum laude) – შედეგი, რომელიც წაყენებულ მოთხოვნებს აღემატება;
- დ) საშუალო (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს;
- ე) დამაკმაყოფილებელი (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს;
- ვ) არადამაკმაყოფილებელი (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო;
- ზ) სრულიად არადამაკმაყოფილებელი (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს.

ამ მუხლის „ა“-„ე“ პუნქტებით გათვალისწინებული შეფასების მიღების შემთხვევაში დოქტორანტს ენიჭება დოქტორის აკადემიური ხარისხი. „ვ“ პუნქტით გათვალისწინებული შეფასების მიღების შემთხვევაში დოქტორანტს უფლება ეძლევა ერთი წლის განმავლობაში წარადგინოს გადამუშავებული სადისერტაციო ნაშრომი, ხოლო „ზ“ პუნქტით გათვალისწინებული შეფასების მიღების შემთხვევაში დოქტორანტი კარგავს იმავე სადისერტაციო ნაშრომის წარდგენის უფლებას.

16. დისერტაცია, სამაგისტრო პროექტი/ნაშრომი უნდა შეფასდეს იმავე ან მომდევნო სემესტრში, რომელშიც სტუდენტი დაასრულებს მასზე მუშაობას. დისერტაცია, სამაგისტრო პროექტი/ნაშრომი ფასდება ერთჯერადად (დასკვნითი შეფასებით) შესაბამისი კრიტერიუმებით.

17. მაგისტრატურის საგანმანათლებლო პროგრამის სამეცნიერო-კვლევითი კომპონენტისათვის მე-2 მუხლის „ბ“ პუნქტის „ბ.ა“ ქვეპუნქტით გათვალისწინებული შეფასების მიღების შემთხვევაში მაგისტრანტს უფლება ეძლევა გადამუშავებული სამეცნიერო-კვლევითი კომპონენტი წარადგინოს მომდევნო სემესტრის განმავლობაში, ხოლო ამავე მუხლის „ბ“ პუნქტის

„ბ.ბ“ ქვეპუნქტით გათვალისწინებული შეფასების მიღების შემთხვევაში მაგისტრანტი კარგავს იმავე ნაშრომის წარდგენის უფლებას.

### მუხლი 17. გამოცდების ჩატარების ერთიანი წესი

1. წესი განსაზღვრავს უნივერსიტეტში გამოცდების დანიშვნის, ჩატარების, გადავადების, საგამოცდო შედეგების შეფასებისა და გასაჩივრების, საჩივრის განხილვისა და გადაწყვეტის სპეციალურ წესებს.

### 2. გამოცდების ჩატარების ორგანიზაციული უზრუნველყოფა

2.1 ამ წესით გათვალისწინებული გამოცდების ორგანიზებულად ჩატარებას უზრუნველყოფს უნივერსიტეტის სასწავლო განყოფილება.

2.2. უნივერსიტეტის სასწავლო განყოფილება შემადგენლობა განსაზღვრულია უნივერსიტეტის საშტატო განრიგის საფუძველზე. საგამოცდო პროცესს ხელმძღვანელობს უნივერსიტეტის სასწავლო პროცესის მართვის განყოფილება და რექტორის მოადგილე სასწავლო დარგში.

2.3. საგნის პედაგოგი ვალდებულია, დადგენილ ვადებში, სასწავლო განყოფილებას წარუდგინოს თითოეული საგნის პროგრამის შესაბამისად შედგენილი საგამოცდო საკითხები/ტესტები.

2.4 საგამოცდო პროცესის ორგანიზებულად წარმართვის მიზნით საგამოცდო სესიის პერიოდში უნივერსიტეტის დამხმარე პერსონალიდან ინიშნება დამკვირვებლები.

### 3. გამოცდის თარიღის დადგენა და შედეგების ელექტრონული რეგისტრაცია.

3.1 უნივერსიტეტის სასწავლო განყოფილება ყოველი სემესტრის დასაწყისში, ფაკულტეტიდან დაგენილ ვადაში მიწოდებული ინფორმაციის საფუძველზე, აქვეყნებს სემესტრულ შუალედურ და დასკვნითი გამოცდების (წერილობითი/ელექტრონული გამოცდების) ჩატარების ვადებს.

3.2 ფაკულტეტი უზრუნველყოფს შესაბამის ფაკულტეტზე სასემინარო შეფასებების, ჩატარებული სემესტრული – შუალედური და დასკვნითი გამოცდების, საბაკალავრო/სამაგისტრო ნამუშევართა შეფასებების ელექტრონულ აღრიცხვას.

### 4. გამოცდის მსვლელობაზე ზედამხედველობა

4.1 წერითი გამოცდის მსვლელობას ზედამხედველობას უწევს დამკვირვებელთა ჯგუფი. თითოეულ აუდიტორიაში იმყოფება სულ მცირე ორი დამკვირვებელი.

4.2. დამკვირვებლი სტუდენტებს/კონკურსანტებს გააცნობს „ქცევის წესებს“. დამკვირვებელი დაფაზე აფიქსირებს გამოცდის დაწყების და დამთავრების დროს.

4.3 სტუდენტს/კონკურსანტს ეკრძალება გამოცდაზე ნებისმიერი ნივთის შეტანა, გარდა სასმელი წყლისა (პლასტმასის ბოთლით) და ჯანმრთელობისათვის აუცილებელი ნივთებისა. გამოცდაზე

წიგნების კალკულატორის და სხვ. გამოყენების საკითხს, საგნის სპეციფიკიდან გამომდინარე წყვეტს საგამოცდო კომისია.

4.4 დამკვირვებელი მკაცრად აკონტროლებს სტუდენტთა/კონკურსანტთა მოვალეობების დაცვას. „შპარგალკის“ (წიგნის, კონსპექტის) გამოყენების შემთხვევაში სტუდენტი/კონკურსანტი მოიხსნება გამოცდიდან. მას ჩამოერთმევა „შპარგალკა“, საგამოცდო ტესტი და სარეგისტრაციო უწყისში გაუფორმდება შესაბამისი ჩანაწერი, რასაც ხელს აწერენ დამკვირვებლები. ტესტს დაეწერება „მოიხსნა გამოცდიდან“ (აღნიშნული ნაშრომი არ ექვემდებარება გასწორებას).

4.5. თუ დამკვირვებელი სტუდენტს/კონკურსანტს შენიშნავს გადალაპარაკებაში, მაშინ იგი ჯერ აფრთხილებს მას, ხოლო განმეორებით შემთხვევაში – მოხსნის გამოცდიდან და შესაბამისად სარეგისტრაციო

უწყისში კეთდება ჩანაწერი.

4.6 საგამოცდო დროის ამოწურვამდე 10 წუთით ადრე დამკვირვებელი სტუდენტებს/კონკურსანტებს აფრთხილებს გამოცდის დამთავრების მოახლოების შესახებ.

4.7 საგამოცდო დროის დამთავრების შემდეგ სტუდენტები/კონკურსანტები საგამოცდო ნაშრომებს აბარებენ დამკვირვებელს (წერითი გამოცდის შემთხვევაში) და სარეგისტრაციო უწყისში აწერენ ხელს.

## 5. სტუდენტის ვალდებულებები

5.1 სტუდენტი ყოველი სემესტრის დაწყებამდე უნივერსიტეტის დადგენილი წესით გადის აკადემიურ რეგისტრაციას და ირჩევს შესაბამის საგნებს, რაც ამავდროულად ნიშნავს მის მზადყოფნას მონაწილეობა მიიღოს შესაბამის სემესტრულ შუალედურ და დასკვნით გამოცდებში.

5.2 სტუდენტის მიერ აკადემიური რეგისტრაციის გაუქმების ან არჩეული საგნის შეცვლის მოთხოვნა დასაშვებია სასწავლო პროცესის დაწყებიდან ერთი თვის განმავლობაში.

## 6. გამოცდაზე არ გამოცხადება, საგამოცდო განაწესის დარღვევა

### 6.1 სტუდენტი ჩაჭრილად ჩაითვლება, თუ იგი

ა. არ გამოცხადდა დანიშნულ გამოცდაზე არასაპატიო მიზეზით ან გამოცხადდა და გამოცდის მსვლელობისას დატოვებს აუდიტორიას, ან მოიხსნა გამოცდიდინ.

ბ. დადგენილ ვადაში არ წარმოადგენს წერით ნამუშევარს – რეფერატს, საბაკალავრო ან სამაგისტრო ნაშრომს და ა.შ.

გ. გამომცდელზე მუქარის, სიტყვიერი ან ფიზიკური შეურაცყოფის, ფსიქიკური ზემოქმედების, მოტყუების, თაღლითობის და სხვა დაუშვებელი ხერხების გამოყენებით შეეცდება მიიღოს შეფასება,

დ. გამოცდის ჩაშლის მცდელობას, ან საგამოცდო განაწესის დარღვევის გამო მოიხსნება გამოცდიდან.

6.2 საგამოცდო ნაშრომის უარყოფითი შეფასება ფორმდება წერილობით.

## **7. გამოცდის გადავადება**

- 7.1 საპატიო მიზეზით გამოცდის გადავადების მოთხოვნა შესაძლებელია სტუდენტის წერილობითი განცხადების საფუძველზე, რომელშიც უნდა მიეთითოს გადავადების საპატიო საფუძველი.
- 7.2 მშობიარობამდე ექვსი კვირით ადრე ან მშობიარობის შემდგომ რვა კვირის განმავლობაში მათი წერილობითი განცხადების საფუძველზე ეძლევათ გამოცდის გადავადების შესაძლებლობა.
- 7.3 განცხადება უნდა გაკეთდეს გამოცდის თარიღამდე ერთი დღით ადრე მაინც.

## **8. გამოცდის განმეორებითი ჩაბარება**

- 8.1 გადაწყვეტილებას სტუდენტისათვის გამოცდის გამეორების უფლების მინიჭების შესახებ იღებს უნივერსიტეტის საგამოცდო ცენტრი და ფაკულტეტი დადგენილი წესის შესაბამისად.
- 8.2 საბაკალავრო ან სამაგისტრო ნაშრომების არადამაკმაყოფილებლად შეფასების შემთხვევაში, მათი განმეორებითი წარმოდგენა იმავე სემესტრში დაუშვებელია.

## **9. გამოცდების შედეგების შეფასების ვადები**

- 9.1 შუალედური გამოცდის შეფასების შედეგები უნდა გამოქვეყნდეს გამოცდის ჩატარებიდან არა უგვიანეს მე-10 სამუშაო დღისა.
- 9.2 შუალედური და დასკვნითი გამოცდის დროს წერილობითი გამოცდის შემთხვევაში ნამუშევარი უნდა გასწორდეს 3 დღის ვადაში და გამოქვეყნდეს გამოცდის ჩატარებიდან ერთი კვირის (5 დღის) ვადაში.

## **10. გამოცდების შედეგების საჯაროდ გაცნობა**

- 10.1 სტუდენტი უფლებამოსილია წერილობითი განცხადების საფუძველზე საგამოცდო შედეგების გამოქვეყნებიდან 15-დღიან ვადაში გაეცნოს საგამოცდო ნაშრომს სასწავლო ფაკულტეტის დეკანატში და სამდივნოში.
- 10.2 საგამოცდო დოკუმენტების გაცნობა გულისხმობს ნაშრომის შინაარსის ადგილზე გაცნობას, ამონაწერების გაკეთებას, საკუთარი ხარჯებით ქსეროასლების მოთხოვნას.

## **11. უცხოეთის უნივერსიტეტებში მიღებული შეფასების შესაბამისობის დადგენა**

სემესტრული გამოცდები, რომელიც უნივერსიტეტის სტუდენტმა ჩააბარა საზღვარგარეთ აკრედიტებულ უმაღლეს სასწავლებელში, შესაძლებელია აღიარებულ იქნეს უნივერსიტეტის მიერ, დადგენილი წესების შესაბამისად

## **12. გამოცდების შედეგების გასაჩივრება**

- 12.1 კონკურსანტი/სტუდენტი, რომელიც არ ეთანხმება სემესტრულ დასკვნით გამოცდაზე მიღებულ შედეგს, უფლებამოსილია, შედეგის ოფიციალური გამოქვეყნებიდან ერთი კვირის ვადაში დასაბუთებული საჩივრით მიმართოს ფაკულტეტს და საგამოცდო ცენტრს და მოითხოვოს გამოცდების შედეგების გადასინჯვა.

12.2 საჩივარი დასაშვებია თუ კონკურსანტი/სტუდენტი უთითებს  
 ა) პროცედურულ დარღვევებზე;  
 ბ) შეფასების დადგენილი სისტემის უგულველყოფაზე;  
 გ) ან არ ეთანხმება მასწავლებლის შენიშვნებს;  
 დ) ელექტრონული გამოცდის შემთხვევაში ტესტში არსებული დასაბუთებული ხარვეზის გამო.

### **13. გადაწყვეტილება გასაჩივრებულ გამოცდების შედეგებთან დაკავშირებით**

13.1 უნივერსიტეტის ფაკულტეტის მიერ შექმნილი სააპელაციო კომისია საჩივრის მიღებიდან 15 დღიან ვადაში განიხილავს საჩივარს და იღებს გადაწყვეტილებას საჩივართან დაკავშირებით.  
 13.2 დაუშვებელია სააპელაციო კომისიის მიერ მიღებული გადაწყვეტილებით გაუარესდეს სტუდენტის შეფასება.

### **მუხლი 18. აკადემიური ხარისხის/კვალიფიკაციის მინიჭება და დიპლომი**

1. უმაღლესი განათლების ცალკეული საფეხურების (ბაკალავრიატი, მაგისტრატურა დოქტორანტურა) საგანმანათლებლო პროგრამის დასრულების შემდეგ კურსდამთავრებულს ენიჭება შესაბამისი აკადემიური ხარისხი/კვალიფიკაცია.  
 2. ბაკალავრისა და მაგისტრის აკადემიურ ხარისხს ანიჭებს უნივერსიტეტის შესაბამისი ძირითადი საგანმანათლებლო ერთეული-ფაკულტეტი. ასევე ფაკულტეტი ანიჭებს სერტიფიკატს ქართულ ენაში მომზადების საგანმანათლებლო პროგრამის კურსდამთავრებულებს.  
 3. დოქტორის აკადემიურ ხარისხს ანიჭებს სადისერტაციო საბჭო შესაბამისი დებულების მოთხოვნათა დაცვით.

### **მუხლი 19. სტუდენტის უფლება- მოვალეობები**

1. უნივერსიტეტის სტუდენტის უფლება აქვს:

- ა) მიიღოს ხარისხიანი განათლება და მონაწილეობა მიიღოს სამეცნიერო კვლევაში;
- ბ) ისარგებლოს მატერიალურ-ტექნიკური ბაზით, საბიბლიოთეკო, საინფორმაციო და სხვა საშუალებებით;
- გ) მიიღოს ამომწურავი ინფორმაცია უნივერსიტეტში არსებული საგანმანათლებლო პროგრამების თაობაზე და მოითხოვოს სასწავლო კურსების სილაბუსები;
- დ) მოითხოვოს ცოდნის სამართლიანი შეფასება და დადგენილი წესით გაასაჩივროს არასასურველი საგამოცდო შედეგები;
- ე) მიიღოს კვალიფიციური კონსულტაცია უფლებამოსილი პირისაგან საგანმანათლებლო პროგრამების, სასწავლო დისციპლინების და გამოცდების ჩატარების ვადებისა და ფორმატის თაობაზე;
- ვ) პერიოდულად მოახდინოს აკადემიური პერსონალის მუშაობის/სტუდენტთა მომსახურების შეფასება.
- ზ) საგანმანათლებლო პროგრამისთვის განსაზღვრულ ძირითად ვადებში შეფასების გაუმჯობესების მიზნით სემესტრულ სამუშაო ნორმად დადგენილ კრედიტების ფარგლებში თვითდაფინანსების გზით განმეორებით მოისმინოს სასწავლო კურსი. ამ შემთხვევაში

სტუდენტს სასწავლო კურსის შეფასებად უფიქსირდება უკეთესი შედეგი;

თ) ისარგებლოს კანონმდებლობით მინიჭებული სხვა უფლებებით.

2. უნივერსიტეტის სტუდენტი ვალდებულია:

ა) დაიცვას უნივერსიტეტის შინაგანაწესი და დისციპლინური პასუხისმგებლობის ნორმები;

ბ) დაიცვას და შეასრულოს სტუდენტური ხელშეკრულების პირობები;

გ) დაიცვას უნივერსიტეტის მიერ სასწავლო პროცესთან დაკავშირებით დადგენილი ვადები;

დ) გადაიხადოს სწავლის სემესტრული საფასური ადმინისტრაციული რეგისტრაციისათვის დადგენილ ვადებში და გაიაროს აკადემიური რეგისტრაცია;

ე) დაიცვას ეთიკისა და ქცევის საყოველთაოდ მიღებული ნორმები;

ვ) გაუფრთხილდეს უნივერსიტეტის კუთვნილ ქონებას;

3. სტუდენტისათვის შეუფერებელ და არაეთიკურ ქცევად ჩაითვლება:

ა) პლაგიატი- ნაშრომში სხვისი აზრისა თუ ნაშრომის ციტირება ავტორის მითითების გარეშე;

ბ) თამბაქოს სისტემატური მოწევა, გარდა სპეციალურად გამოყოფილი ადგილებისა, რაც დადასტურდება უფლებამოსილი პირის მიერ შექმნილი დოკუმენტით;

გ) უხეში და არაეთიკური დამოკიდებულება, ძალადობა და შეურაცხყოფა სტუდენტების, აკადემიური, ადმინისტრაციული და დამხმარე პერსონალის მიმართ;

დ) შეფასების მიღების მცდელობა გამომცდელზე მუქარით, ფიზიკური ან ფსიქოლოგიური ზემოქმედებით, მოტყუებით, თაღლითობითა თუ სხვა დაუშვებელი ხერხებითა და ქმედებით.

## მუხლი 20. მსმენელის უფლება-მოვალეობები

1. მსმენელს უფლება აქვს:

ა) მიიღოს ხარისხიანი განათლება;

ბ) ისარგებლოს უნივერსიტეტის მატერიალურ-ტექნიკური ბაზით, საბიბლიოთეკო, საინფორმაციო და სხვა საშუალებებით;

გ) მოითხოვოს ცოდნის სამართლიანი შეფასება და დადგენილი წესით გაასაჩივროს არასასურველი საგამოცდო შედეგები;

დ) მიიღოს კვალიფიციური კონსულტაცია უფლებამოსილი პირისაგან სასწავლო კურსის, გამოცდების ჩატარების ვადებისა და ფორმატის თაობაზე;

ე) სასამართლოში გაასაჩივროს უნივერსიტეტის მიერ მის მიმართ მიღებული გადაწყვეტილება;

ვ) ისარგებლოს კანონმდებლობით მინიჭებული სხვა უფლებებით.

2. მსმენელი ვალდებულია:

ა) დაიცვას უნივერსიტეტის პერსონალისა და სტუდენტის ეთიკის კოდექსი, შინაგანაწესი და დისციპლინური პასუხისმგებლობის ნორმები;

ბ) დაიცვას და შეასრულოს მსმენელის ხელშეკრულების პირობები;

გ) დაიცვას უნივერსიტეტის მიერ სასწავლო პროცესთან დაკავშირებით დადგენილი ვადები;

დ) დაიცვას ეთიკისა და ქცევის საყოველთაოდ მიღებული ნორმები;

ე) გაუფრთხილდეს უნივერსიტეტის კუთვნილ ქონებას;

ვ) შეასრულოს კანონმდებლობით, უნივერსიტეტის წესდებითა და სხვა სამართლებრივი აქტებით განსაზღვრული ვალდებულებები.

### მუხლი 21. სოციალურად მოწყვლადი სტუდენტების მხარდაჭერის მექანიზმები

1. უნივერსიტეტში სწავლის საფასურის გადახდასთან დაკავშირებით მოქმედებს შემდეგი სახის შეღავათები:

ა) სწავლის საფასურის გადახდის იდივიდუალური გრაფიკი, რომელიც შეიძლება განესაზღვროს სტუდენტს ფაკულტეტის დეკანის შუამდგომლობის საფუძველზე, ადმინისტრაციის ხელმძღვანელთან შეთანხმებით;

ბ) სწავლის საფასურის გადახდისაგან გათავისუფლება ერთი სემესტრის განმავლობაში, რომელიც შეიძლება განესაზღვროს სტუდენტს, რომელიც აკმაყოფილებს შემდეგი პირობებიდან სამს ერთად:

- არის ობოლი;
- მისი ოჯახი დარეგისტრირებულია სოციალურად დაუცველთა ბაზაში;
- ტერიტორიული მთლიანობის დაცვისთვის პირთა შვილების/ოჯახის წევრების შემთხვევაში:
- ოკუპირებულ ტერიტორიებზე მცხოვრები პირების შემთხვევაში:
- სტუდენტი არის ავად და მკურნალობა დაკავშირებულია დიდ ფინანსურ ხარჯებთან;
- არის მრავალშვილიანი ოჯახიდან (ოჯახის მინიმუმ სამი წევრი არასრულწლოვანია);
- უნივერსიტეტის სახელით აქტიურად მონაწილეობს უნივერსიტეტის გარეთ გამართულ ღონისძიებებში.

### მუხლი 22. სტუდენტთა წახალისების მექანიზმები

1. სსიპ სამცხე-ჯავახეთის სახელმწიფო უნივერსიტეტის სტუდენტთა სამეცნიერო-კვლევითი აქტივობის ხელშეწყობის მიზნით სასწავლებელი ახდენს უნივერსიტეტის სტუდენტის უცხო ქვეყანაში კონფერენციაზე/სემინარზე/კონგრესზე დასწრების (მონაწილეობის) ნაწილობრივ ან სრულ დაფინანსებას. ასეთ ღონისძიებაში მონაწილეობის შესახებ სტუდენტის განცხადებას განიხილავს შესაბამისი ფაკულტეტის საბჭო, რომლის დადებითი გადაწყვეტილების შემთხვევაში ფაკულტეტის დეკანი სამსახურებრივი ბარათით მიმართავს ადმინისტრაციის ხელმძღვანელს.

2. ადმინისტრაციის ხელმძღვანელის მიერ გამოიცემა შესაბამისი ბრძანება, თუკი სტუდენტების დაფინანსებისათვის ხარჯი ერთი სემესტრის განმავლობაში არ აღემატება შესაბამისი ფაკულტეტის სტუდენტთა მიერ წინა სემესტრში გადახდილი სწავლის საფასურის საერთო რაოდენობის 1 (ერთ) %-ს. ამასთან, ერთი სტუდენტის დაფინანსების თანხა არ უნდა აღემატებოდეს 1000 (ათას) ლარს.

### მუხლი 23. სტუდენტთა სტიპენდიის დანიშვნის წესი და კრიტერიუმები

1. სსიპ სამცხე-ჯავახეთის სახელმწიფო უნივერსიტეტში ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო პროგრამებზე ჩარიცხული სტუდენტების სწავლის მოტივაციის ამაღლებისა და წახალისების მიზნით არსებობს შემდეგი სახის სტიპენდიები:

- ა) სახელმწიფო სტიპენდია;
- ბ) საუნივერსიტეტო სტიპენდია;
- გ) სხვადასხვა ორგანიზაციის მიერ დაწესებული სტიპენდია;
- დ) სახელობითი სტიპენდია.

2. სახელმწიფო სტიპენდიის დანიშვნა ხორციელდება საქართველოს განათლების, მეცნიერების, კულტურისა და სპორტის მინისტრის ბრძანებით დამტკიცებული პროგრამით უნივერსიტეტისთვის გამოყოფილი ასიგნებებიდან აქტიური სტატუსის მქონე სტუდენტთა საერთო რაოდენობის 4% -ის სტიპენდიით უზრუნველსაყოფად, თითოეული სტუდენტისთვის 150 ლარის ოდენობით თვეში.

3. სტიპენდიების დანიშვნა ხორციელდება საგამოცდო სესიის ძირითად ვადებში მიღებული შედეგების საფუძველზე (გარდა იმ შემთხვევისა, როდესაც ძირითად ვადაში გამოცდის ჩაბარება შეუძლებელია ავადმყოფობის ან სხვა საპატიო მიზეზის გამო, რაც დადასტურებული იქნება სათანადო დოკუმენტით) სემესტრულად შემდეგი კრიტერიუმების გათვალისწინებით:

- ა) სტიპენდია ენიშნება სტუდენტს, რომელსაც ყველა საგანში აქვს შემდეგი შეფასებები: ფრიადი(A) და მაღიან კარგი(B);
- ბ) სტუდენტთა სტიპენდიებისათვის გამოყოფილი თანხა გადანაწილდება ფაკულტეტების სტუდენტთა რაოდენობის პროპორციულად. სტიპენდიანტთა საერთო რაოდენობის ფარგლებში ფაკულტეტისათვის გამოყოფილ რაოდენობაში სტუდენტთა შერჩევა ხდება სტუდენტის მიერ მიღებული ქულების საშუალო არითმეტიკულის გათვალისწინებით, რეიტინგის მიხედვით;
- გ) იმ შემთხვევაში, თუ გამოვლინდება რამდენიმე თანაბარქულიანი სტუდენტი, გათვალისწინებული იქნება ისეთი მახასიათებლები, როგორიცაა: სამეცნიერო და საზოგადოებრივი აქტიურობა, გამოქვეყნებული პუბლიკაციები და ასევე შესაძლებელია დამატებით გათვალისწინებული იქნეს სტუდენტთა სოციალური მდგომარეობა;

4. 50 სტუდენტს, რომლებიც აკმაყოფილებენ ამ წესით დადგენილ კრიტერიუმებს, მაგრამ ვერ მოხვდნენ სახელმწიფო სტიპენდიის პროგრამაში, დაენიშნებათ საუნივერსიტეტო სტიპენდია 62,5 ლარის ოდენობით.

5. სხვა ორგანიზაციიდან სტიპენდიების დანიშვნის შემთხვევაში, სტიპენდიის დანიშვნის წესსა და კრიტერიუმებს განსაზღვრავს თავად დონორი ორგანიზაცია.

6. სახელობითი სტიპენდიის დანიშვნის წესსა და კრიტერიუმებს შეიმუშავებს და ამტკიცებს უნივერსიტეტის აკადემიური საბჭო.

7. სტუდენტთა სტიპენდიის დანიშვნის შესახებ სასწავლო პროცესების მართვის განყოფილებაში წარდგინებას აკეთებს შესაბამისი ფაკულტეტის დეკანი.

8. სასწავლო განყოფილების წარდგინების საფუძველზე უნივერსიტეტის რექტორი გამოსცემს ინდივიდუალურ-სამართლებრივ აქტს სტიპენდიის დანიშვნისა და გაცემის შესახებ.

#### მუხლი 24. სასწავლო პროცესის მართვის ელექტრონული სისტემა

უნივერსიტეტის სასწავლო პროცესის მართვის ელექტრონული სისტემა უზრუნველყოფს უნივერსიტეტში ელექტრონულ ურთიერთკავშირს ადმინისტრაციას, პროფესორებსა და სტუდენტებს შორის. სერვისი მოიცავს: სტუდენტების რეესტრს, სტუდენტის აკადემიური მოსწრების ინფორმაციის შეტანა/დამუშავებას, სასწავლო კურსების რეესტრს (კრედიტი, წინაპირობა), საგანმანათლებლო პროგრამების კატალოგს, სილაბუსების ბაზას, სტუდენტის ინდივიდუალურ პანელს.

აღნიშნული ინფორმაციის შეტანის შედეგად სისტემა ამუშავებს მონაცემებს და იძლევა შემდეგ შედეგებს: სხვადასხვა საბეჭდი ფორმები (სტუდენტის ბარათი, უწყისი, დიპლომის დანართი), სტატისტიკური რეპორტები. აღნიშნული სერვისი ასევე მოიცავს აკადემიურ რეგისტრაციას - სტუდენტის აკადემიური თავისუფლების ხელშეწყობის მიზნით სისტემა აძლევს საშუალებას სტუდენტებს თავად დაგეგმონ აკადემიური კალენდარი, დარეგისტრირდნენ დადგენილ დროს სასურველ სასწავლო კურსებზე (რასაც ითვალისწინებს სტუდენტის სასწავლო პროგრამა, სასწავლო კურსების წინაპირობების დაცვით).

სასწავლო პროცესის მართვის ელექტრონულ სისტემაში შესასვლელად სტუდენტს თავისი პროფილის პაროლი ენიჭება. სასწავლო პროცესის მართვის ელექტრონული სისტემის მეშვეობით სტუდენტმა შესაძლოა მიიღოს შემდეგი სახის მომსახურება: განახორციელოს ინდივიდუალური სასწავლო გეგმის ფორმირება, ნახოს სასწავლო ბარათი, მის მიერ არჩეული საგნები, მიღებული შეფასებები, მინიჭებული კრედიტები, გაეცნოს სხვა საგანმანათლებლო პროგრამებს, სავალდებულო და არჩევითი საგნების ჩამონათვალს, გაეცნოს სილაბუსებს, სასწავლო და საგამოცდო ცხრილებს, გააკონტროლოს გადახდილი თანხები, მიიღოს ინფორმაცია სტუდენტის სტატუსის ცვლილების შესახებ.

სასწავლო პროცესის მართვის სისტემა წარმოადგენს ვებსაიტს, განთავსებულს ინტერნეტში, რაც იძლევა საშუალებას ვისარგებლოთ ამ სისტემით როგორც უნივერსიტეტში, ასევე მის გარეთ, პერსონალური კომპიუტერით, ლეპტოპით, პლანშეტით, სმარტფონით, რომელიც ჩართულია ინტერნეტში. სისტემაში შესასვლელად ბრაუზერში უნდა გადავიდეთ უნივერსიტეტის ვებგვერდიდან ([www.sjuni.edu.ge](http://www.sjuni.edu.ge)).